

叙州府志

人士

第十二册





敘州府志卷三十四

人士二

富順縣

晉侯 馥 字世明察孝廉巴郡亂避地入牂柯甯州

刺史王遜表為江陽太守時李雄將李恭已據江陽

馥招降夷獠修繕舟艦為進取計恭舉眾攻馥眾寡

不敵為恭所破獲生虜馥送雄雄欲屈之使同郡人

張迎曉喻之馥怒罵迎曰吾等國亡不能存大難不

能死低眉海內何面目相見也且王甯州治亂才也

以吾有桑梓之恥故遠上尚書遣吾討賊受命之日

敘州府志

卷三十四

人士

富順

實忘寢食但裁船未辦請軍未至牽揣不及為他所

先當滅身隕碎以謝不及冀上不負日月下不愧王

侯吾豈苟生如卿兒女之人乎迎還白雄雄義而赦

之時眾寇所獲諸太守無如馥者詳見華陽國志

宋李文淵 英宗治平乙巳進士授宣德郎至朝議大

夫蔡京奇其才欲用謝病歸

薛 翁 宋史伊川程子與袁滋曰易學在蜀蓋往

求之滋游蜀無所遇久之於眉邛間見賣醬薛翁與

之語大有所得又呂東萊撰薛常州誌云袁道潔聞

蜀隱者薛叟名晚遊蜀物色求之至一郡有叟旦荷





笈之市午輒局扉戶問諸隣則曰賣香薛翁道潔以  
弟子禮見且陳所學叟曰經以載道聖人作經以明  
道子何博而寡要也與語未幾復去乾隆丙申署知  
縣段玉裁據王伯厚困學紀聞云袁道潔之易得於  
富順監賣香薛翁知爲富順人立祠城西門外有記  
李英恪 眞宗咸平中爲押衙與丁處榮謀誅王均  
擢知富順監子見著易樞

丁處榮 咸平中王均叛圍富順監守佐俱逃處榮  
具斗酒宴均於譙樓擒斬之擢爲榮州刺史

李 見 英恪子讀易於神龜山洞中著易樞天禧

敘州府志

卷三十四

人士

二

富順

中令附驛以聞州郡遣見抱書偕行見不願仕監司  
不能屈賦詩有一片青衫消不得滿朝朱紫是何人  
之句

明彭欽祖 洪武年間貢生永樂時選授本縣訓導博  
學多才嚴學規端士習富順文學由欽祖始

郭 廉 字永明永樂己丑進士初授監察御史正  
色立朝風采凜凜督雲南銀廠廉明有聲人不敢干  
以私中官有謀害廉者事覺遂自裁廉上章疏同謀  
者歷尙書疏諫北征詞甚剴切聲聞中外文祖面加  
慰獎上崩中官謀傷之卽三上章乞休及歸杜門不



至城郭有中貴至邑誅求太甚廉束帶見之既退中  
貴曰郭公在此遂斂跡去近居有僧眾以奸污聞廉  
火其居眾皆稱快平生剛介以勤儉勵子孫家法嚴  
肅卒年九十八祀鄉賢祠

晏 鐸 字振之鄉舉入國學祭酒胡儼重之選入  
內閣讀書永樂戊戌登進士選翰林庶吉士授福建  
道御史巡按兩畿山東所至有聲坐言事謫上高典  
史興學校抑豪奸鄰境寇亂官兵不能制鐸承檄擒  
捕之歸所掠者於民境內遂安著增孝經小學周易  
參同契解陰符經註併青雲集等書與湯允勳蘇平

蘇正沈愚王淮鄒亮蔣忠王貞慶劉浦號景泰十才  
子事詳見明史

九峯山行六言詩

曲徑源流上下蒼苔白石磷磷落  
日惟聞曉鳥空山絕少行人。段

玉裁日聞諸李時勉云振之詩溫柔典麗不愧作家  
其花月金陵十四樓之句盛稱於時今其集不可見  
矣流賊之亂文獻湮沒可勝  
慨哉○舊縣志原附下並同

謝茂實 字伯堅永樂丁酉舉人任武功教諭按武  
功縣志云茂實性嚴重不苟笑語日雞鳴起寒暑風  
雨無少怠是時士習尚俠後多畏憚不敢肆

蔡 齊 字惟賢宣德年貢生任通判居官廉直人  
不敢干以私



何 轍 字子由貢生歷任思南府知府性渾慤所至民咸思之

李 龍 字雲從宣德丙午舉人不求仕進教授終身著有小學訓蒙真說

彭萬海 貢生初任江西袁州府宜春縣教諭陞河南彰德府安陽縣令能文工書合古法自成一家

甘敬修 字士勉正統己未進士官刑部員外時有執政干法敬修厲色諍之擢雲南參議策擒叛賊時重其名官至福建左參政所至門無私謁祀鄉賢祠黃士儁 字廷臣正統戊午解元壬戌進士少孤貧

敘州府志

卷三十四

人士

四

富順

牧牛鄰家叔父鏞收之遂勤於學登第授兵科給事以才名見重於時常陳備邊方略及劾都督武毅貪恡等事擢太僕卿巡視所屬見軍民車載子女鬻供馬賦者先免之乃奏聞英宗赦其專擅之罪陞刑部侍郎尋以石亨累謫參政乞歸養母朝夕奉几杖不離僑寓成都置田數畝供時祀給子孫讀書者

郭維新 字宗之廉次子正統辛酉舉人任湖廣應城縣教諭事親訓士咸有父風祀鄉賢祠

李 本 字立之正統戊辰進士選翰林庶吉士歷檢討編修侍讀國子祭酒少詹事至禮部尙書天順



庚辰同考會試取謝一夔等經筵進講敷陳治道同修國史一統志等書豁達好學著有立菴集

謝英 字仁傑景泰癸酉舉人歷同知著有慕菴文集

胡深 字本原景泰辛未進士任戶部主事抗直不阿以忤權貴議戍塞外後事白復其官年未四十致仕歸時論以節高之

劉本 字原之天順丁丑進士歷刑部主事郎中至貴州按察司副使進階都察院右僉都御史性謹厚正大里居時敘守陸公淵之文章政事有盛名每

敘州府志

卷三十四

人士

五

富順

鄉飲正賓難其人乃於一郡九邑中特賓禮焉鄉郡以爲榮

左明善 字思誠天順丁丑進士性超悟年二十九始讀書人多嗤之未幾登第歷戶部主事臨安知府承委撫夷卻金遂爲所毒援筆成詩而絕文章精鍊居官以愛人爲主故沒世猶設祠祀之

范珠 字嘉隆號介菴成化丙戌進士任浙江道御史嘉靖初議大禮諸臣廷諫欲刑以錫蛇珠解衣裸體自糾錫蛇伏諫曰陛下若納臣言則天下治不納臣言則天下亂上怒欲加刑忽風雨暴至雷擊錫



蛇獲免上嘉其直賜聯云柏府霜操真御史黃堂正  
直古諸侯又賜金瓜一對稱爲鐵面御史歸里卒御  
賜祭葬見明史祀鄉賢祠

劉簡字惟中景泰丙子舉人成化丙戌進士歷  
行人御史至貴州按察僉事性友愛不修邊幅終身  
清約如寒士工行草書

劉昂字廷議成化戊子舉人孝友謙抑任知縣  
歸田後未嘗一至城市人高其行

彭昂成化辛卯舉人乙未進士選翰林庶吉士  
初任河南磁州牧擢浙江甯波府守清嚴仁愛初人

敘州府志

卷三十四

人士

六

富順

畏其法有德涼之議繼有爲民父母惠我無私之謠  
卒於官甯波士民請入名宦

李韶字克諧成化甲午舉人戊戌進士歷工部  
郎中多所建白吏部尙書王公恕甚器之擢雲南參  
政撫勦夷酋有功嘗陳邊防四事歷福建右布政江  
西左布政使司文章政事皆有可觀成化甲辰適宸  
濠逆謀誘之不從遂歸留題廟柏詩云古柏蒼蒼翠  
倚天殷勤培植幾經年幹老只求鸞鳳宿枝高不許  
鳶鷂纏任他冰雪十分冷卻與松筠一樣鮮神明寓  
有扶持力鳥雀黃昏未敢喧後宸濠事發查韶事跡



見此詩知無所染以名節完子汝忠嘉靖戊子舉人  
孫常有文名辛卯舉人

黃輔政 字顯忠天順己卯舉人成化戊戌進士歷  
任太常博士少卿性寬大行己端嚴歷典容臺屢荷  
殊錫居官儉約清議歸之著有容臺議禮集

董思綸 字惟誠成化丁酉舉人任大理府推官性  
仁恕謙厚一時從學者張頌金嘉玉那尙綱劉書輩  
多所成就皆相繼出身卒年八十七

呂尙功 字元勳成化丁酉舉人官長史性軒爽正  
直在藩邸王敬重之以四品服色致仕著有昌和玉

敘州府志

卷三十四

人士

七

富順

各聯音二集

胡相 字良翰成化癸卯舉人年二十始發憤讀  
書踰五十乃登鄉試再舉不第遂厭舉業聞白沙陳  
獻章名欲往講論因病不果居同心山潛心力索逢  
陳松菴辨惑居喪註家禮儀制又有五經四書解其  
所論述不擇微細必求精核教人多方惓惓以擇交  
爲重平生負奇氣風岸孤峭不能隨世軒輊因與俗  
多忤云

龔嵩 字維岳成化甲辰進士初授評事歷貴州  
僉事福建副使陞陝西行人太僕寺卿在貴州時夷



酋伏祐持千金求贖罪蜀府百戶許重本以金買戰功皆卻之不許有誣採薪三十餘人爲盜者嵩力雪其寃得免性孝友律已甚嚴服用儉約歸休杜門教子至老好學不倦所著有東山小稿

項秉儒 字席珍成化初年人隱居篤學以詩名一時鄉大夫左明善范珠劉恆輩不輕與可亦樂與交遊副使顏公正按部訪其家華亭張公弼聞其名寄以詩云矯首西南萬里多項斯隱處幾時過消磨歲月頻中酒傲睨乾坤獨放歌黃卷相知心耿耿青山應嘆鬢皤皤聖恩浩蕩如堯舜容得巢由老薜蘿可

敘州府志

卷三十四

人士

八

富順

以想見其爲人

周 載 字子坤成化丙午舉人宏治庚戌進士歷兵部主事員外郎中陝西參政分守涼州撫夷平寇軍儲訓練調治均合機宜擢湖廣右布政性樸誠莊重致仕家居吟咏不輟祀鄉賢祠

按舊縣志原有周正蕃傳已詳長甯志陳輔傳應入宜賓李傅傳應入珙縣皆不重錄

尹 清 江南通志字源潔富順人成化中知旌德縣操持廉介平易近人秩滿士民泣送之

陳嘉禮

廣東通志富順人宏治中由舉人知雷州



時兵荒後百務廢弛嘉禮興學校造祭器築堤闡復  
徐聞縣治並海康儒學新郡學大成殿工竣乃建府  
廳舉事有序眾咸愜服並新補

劉用中 字道行朝海子宏治丙辰進士性樸實平  
易少時強記過人每上口終身成誦登第歷部郎中  
至按察司僉事時逆瑾責百官賄賂以用中無獻遂  
中傷之因致仕雖貴家仍寒素侍郎何孟春薦復職  
擢雲南副使歲饑乞歸卒年八十一祀鄉賢祠

陳良玉 一統志富順人正德中知竟陵縣單車  
出行勸農桑興教化翕然稱治初縣城多圯至是大

敘州府志

卷三十四

人士

九

富順

舉修築雉堞堅完民無勞費新補

張頌 字德容宏治乙卯舉人任通判長於吟咏  
所著有瀾崖集百詠詩楚辭疏義讀史管見等集

鄧萬斛 字汝容宏治丙辰進士勝明曾孫歷諸城  
甯鄉遷安三縣令徵大理寺評事以逆瑾羅織謫徽  
州府教授萬斛幼穎異善記誦博通經史歷縣饒有  
政聲拜大理精明公恕多所平反謫徽之日喜動顏  
色以師道自任諭諸生反身實踐所著有止所集

胡山 陝西通志富順舉人嘉靖初令白水遇盤  
錯輒身任之調富平令時巨寇劉朝臣同大小馬盤



游俠者武斷縱橫閭閻側目山捕置重典四野肅然

又剏經閣繕學宮增修號舍多士賴其作興補新

王炎 以人才卓犖薦辟任松滋縣令有善政去後人不能忘

熊載 字汝熙宏治戊午舉人歷河階州牧以善政聞歸田日母近百歲事之溫清不倦教子遲過相繼成進士祀鄉賢祠

那尙綱 字日章宏治戊午舉人任知縣性渾厚待弟尙綺甚友愛鄉族稱之

甘霖 字汝作宏治辛酉舉人幼性穎敏以遠大敘州府志 卷三十四 人士 十 富順

自期正德壬申遭賊寇亂擁眾逼縣境過其廬執之義不苟屈遂遇害

彭大德 宏治間拔貢任滎陽教諭有孝行能文工書受業登甲第者十有七人

周文獻 字用徵由貢生任姚安訓導熟於經史知府周紹輩皆出其門

周詔 字廷諭正德丁丑進士授太和知縣轉戶部主事去日士民爲立生祠至部同朝士等諍大禮被杖轉員外郎中歷衡州荊州知府所至有聲

按縣志原有周惠傳見宜賓志不錄



何鍾 字以宣正德庚辰進士孟濟子才識精敏  
學該博纂修縣志著有活泉詩集仕終陝西僉事  
甘爲霖 字公望敬修孫嘉靖癸未進士孝友篤至  
所學淵深歷華州澧州牧入刑部員外工部尙書劉  
公璘特薦改工部郎中尋陞太僕寺少卿工部左侍  
郎進尙書加少保兼太子太保自治郡陟孤卿公廉  
自矢權貴莫能撓遇事精核太廟立議度材盡制省  
煩費甚多世宗甚眷注後陳情養母致仕朝野重其  
行及卒御賜葬祀鄉賢祠

舊縣志原附有諭祭文今移入冢墓

敘州府志

卷三十四

人士

士

富順

駱 禹 字君孚嘉靖癸未進士授主事歷山東巡  
撫進大理卿戶部侍郎時山西昌平一帶民苦賊寇  
禹奉敕賑濟撫綏流移得所總督漕運政聲日隆乞  
歸田宅一仍其舊鄉黨高其行 按通志作駱永謨

劉 激 湖南通志富順舉人嘉靖中知益陽縣建  
土城修學校創龍洲書院緝治巨盜升工部主事

新補

陳宜可 嘉靖甲申由行伍陞授興安漢羌總兵提  
征西甯復陞招討將軍陣亡詔封世襲勇烈侯子三  
后授襲封領父職討西甯萬歷丙午陣亡

熊 遲 知州載之子正德丙子舉人嘉靖丙戌進



士授湖廣公安縣知縣值歲大旱步禱中暑卒事聞於上馳驛扶柩歸奉詔所經城門許柩出入蓋特典云

李鳳 字鳴叔尚書本之孫嘉靖己丑進士授行人選御史巡按北畿風裁嚴凜居家睦族訪遺孤李方中為之置產求配時論嘉之官終陝西副使

熊過 字叔仁號南沙嘉靖己丑進士選翰林庶吉士官禮部祠祭司郎中詩文與內江趙文肅成都

楊升菴南充任少海稱西蜀四大家又與陳東王慎中唐順之趙時春任翰李開先呂高輩名重一時號

敘州府志

卷三十四

人士

十一

富順

嘉靖八才子著有周易象旨春秋明志錄南沙集八

卷事見明史

寄曾明府詩

放舟臨雲浦雲水天一色君為出岫雲我為臥雲客寂寂華蓋舊西臨在野空

瞻五色雲君今還入帝鄉去白雲處處常隨君我家江水頭君家漢水曲朝宗宛共趨沱汜各淹忽白雲

今日伴溪魚注目寒流雁影疎明贈別詩一笑相逢年溪上停雲望不得魚書得雁書贈別詩在翠微綠

槐高柳借涼時只將水竹煙雲與說與風花雪月知日落三杯無事酒人間八句自然詩來朝雲過青山

外回首空楊名龍騰寺賦別熊南沙詩憶昔與君少聞猿鶴悲壯時洋洋騎

馬趣京師焉知同榜結兄弟心期甯若游俠兒後來踪跡多阻絕只今已是十年別雲漢塗泥音信疎病

軀幸免膏魚鱉放歸謝客棲林邱聞君才調卑前修隱有經綸成國是終看補劄資皇猷往年使者經鄉

邱奠靈山西望時增吁偶煩尺素遠招呼舊情高與



多奇絕交道今人豈即無蕭條十日臨宅里一見風  
流非昔比把臂慰勞淚落泉望中秉燭勤相視飄飄  
書劍同出門殊方骨肉多厚温夜牀風雨話心曲遠  
山車馬聞元論野人政自苦離索遨遊更幸隨鵬翻  
盃酒龍騰月下斟可憐又作孤征客孤征客將誰依  
江干回首魂飛飛人生萬事如流水閒時聚首那可  
祈君心念我厚贈我以瓊玖相看不忍言欲去重攜  
手攜手叮嚀道年華易衰老此身警寶鼎安置勿草  
草打鼓開頭歌一聲孤舟渺渺大江橫與君眼底幾  
萬里記取夜來座上盟莫愧龍騰罔此生○龍騰寺  
在南溪縣名贈朱瑞州子羽詩序過頃試吏為官學  
遂甯人探花人語獨傾聽不厭射亦時時有所服膺  
蓋興嘆焉夫不習為吏視已成事此豈虛為言哉然  
列地事觀人風亦多流代之感者吏又烏有成事可  
習視乎吳人朱子羽守瑞州過其友人曰奈何治瑞  
傳在萬山中當吳楚爭伯時無有四戰之役其壤地  
乃若斯僻矣歷漢初逮於有宋用文日至久也而射  
策者率不應命子觀世傳曾鞏學祠記以時如彼其  
受變若斯之難何也然其俗樸野不囂于訟自昔守

敘州府志 卷三十四 人士 三 富順

者樂之謂詡然標為道院如非誇毗視鴻荒豈異旨  
哉就其俗孰不可坐鎮而安者予蓋歆羨哉南昌人  
熊景之其時與子相次守司馬署郎子就以其俗証  
之景之言瑞民不良迺入江西上第中子始聞大駭  
異之乃呼吏索舊牘求其故曰今吏治不古豈所無  
謨詩謬或所傳聞殊方歟固推之衰亂乃稍反若天  
降命歟明之治在宏治中嘉隆盛矣然御史周進條  
疏其故曰瑞一郡三縣在深山中民性強狠往往則  
相聚為盜請延上官飭兵事治上高高安新昌疏語  
在十六年又最治時勢可又安而直為此廩廩難保  
也山川藏疾倘非是耶開之甚難亟返之無繇斯亦  
大異乎昔所云矣即誅名不察實長吏雖勞誰為知  
者乎抑有易者古之理亂非更民也民從違非能易  
地也聖王在上而民不奇衰者又非能哺而食之提  
耳而訓導之也其要領迺在得人而承流布和惟長  
吏為親民易任職然長吏者又率多師吏法指民當  
用齊之刑耳所謂法分民表參驗稽決其數一二三  
四者皆是也言政而不及化此令誦法之士聞於遠  
國賢人憂心疾首而民失職也悲夫子羽苟少加之  
意瑞民秉非獨齋于他日也史院編修唐君順之率



文章之士為贈送林君于石守南安序嘉靖十八年秋主客郎林

言而屬予為序南安在大江西北走赴燕縣次傳之

日百里逾二月僅乃得至亥步而鼓記之其去中朝

本縣絕矣南有庾嶺漢軍監庾勝所為城者其橫浦

有樓船將軍迹子覽觀史遷書劉嗣之南康記蓋楊

僕本縣此伐南粵云其西尉陀發兵攻長沙邊邑所

出道地固通閩粵西甌駱越崇岡積邱此兵法進圯

扼險則為支矣此曷可輕眎哉顧擇人而守之以遠

見輕鄙若左官然者時時有之故得人而守之是以

棄居郡不賺奉職受事常不如近甸此亦積輕之勢

矣豈國家所用柔遠之指哉嗟乎林君以予積輕之勢

地所繇泰剝吏治所繇興壞未始不成於甯一而以

操切反繆也彼其民貧好訟而地復巖險交臂而易

者緣手則盡矣又非土著也郡主吏稍失所馭之負

襁而相招呼矣其易為亂豈獨天性哉始熊天瑞竊

據此界部中甚困會高皇帝起然歲時乃始定之彼

伶人餘分非藉要害曷能苟延哉故南安者言南方

所繇安危矣其後自海道下取南粵不假途而樵蘇

焉非盡以其道惡誠策便而動亦瘠土之民不欲以

敘州府志

卷三十四

人士

十四

富順

軍興從事煩供張也垂及百年里父兄弟安其土  
而無外慕高皇帝之澤豈不大哉成化之末吏治頗  
失初旨監臣始請飭理其地宏治初撫臣遂請操守  
迨至正德中乃有起監牧稱南征王者豈非繼成者  
不能褒揚先業徒冒空文罔公上乎今君推擇而往  
必用此為務毋忽其遠也月缺其圓遠日乃光故曰  
二多譽四多懼蓋言遠近也誠君子也靡不欲試難  
自別其器豈苟以遠為戚耶遠而无咎必用柔中柔  
中者寬居而行仁非倒持以示大竊缺以示容誠欲  
道之德而後齊一以禮也夫忿其頑而用重與剛克  
之此平士所不堪禡而難卻之禍也而况南安險遠  
貧困之民哉林君勉之久牧之後其政必達吾知君  
之宜于遠也屬諸僚贈王晉叔兵備平陽序王大夫  
之請述其事作序贈王晉叔兵備平陽序既典師  
平陽兵熊子曰學者言平陽之備以為逼虜要非事  
實然考信往記參諸舊聞其地北接汾晉西通同華  
東連齊魯之墟南面以臨衛鄭莫能當者蓋與敗之  
故多出焉是四戰用武之國也昔秦以其強盛衡制  
諸侯山東之國皆有害也然河曲幸困於趙盾走之  
兵法曰地有所必爭如平陽豈不然哉晉魏六朝之



際兵戈相尋平陽益為要害王猛敗慕容評滅燕宇  
文強策舉齊靡不由汾曲走出為師凡東境之禍固  
皆掠境平陽者周鎮玉璧城齊據平武關又皆設險  
伺非常之警然則攻守之便乃自古稱之矣今天下  
已治平非有秦晉之怨燕秦之謀齊之事也則言事  
者因亦後之然諸番嚮善稱第者舊迺多參居其旁  
麗洛川諸偷故皆蕃落也負拳勇怯狡捷往往由平  
陽潛入行盜侵毆河南諸所往乃或攻破城府放囚  
徒鹵財貨去年乃相參會殘石州此壞服之憂不得  
委蛇高枕者也夫番之雜久矣卒欲去不可得藉第  
忍之亂又益盛武備宜以時修舉然不可顯一恃也  
苟不惟鎮撫慰籍修其孝弟忠信則親上死長之誼  
誦矣雖兵亦何所于用之彼葛生鵠羽之刺雖以弱  
國之餘勇敢之氣當其淫兵未嘗不頻蹙稱窮諱號  
也居居究究乃思它人智者甯無懼哉今平陽古唐  
區也人情大抵不遠獨恃兵者甯無懼哉今平陽古唐  
之際蠻夷猾夏寇賊姦宄舜命臯陶為士茲土言不  
及兵蓋刑清政修內不格奸則邇至遠懷地利不如  
人和何必至今迺異也臯陶之命曰明五刑以弼五  
教聖人之于民固將教養使安之非徒以兵戕厲之

絳州府志

卷三十四

人士

圭

富順

也予所厚善許主事曰正德中賊流入境平陽人杖  
棘趨戰或持白木長柄續短刃鉤鏹偏袒呼而犇之  
有夫隕自樓救奪其妻以子者賊卒憚殺其嚮道謂賣  
已也而去之彼夫勇可以赴義矣子今刑官而又司  
兵山川兵革子所統也然幸無恃兵淑問如臯陶弼  
教而已象刑惟明則人知方何畏遠不可革况今之  
怯篋探囊者何足慮也故兵備  
者備兵而已非以為可恃也

段玉裁曰嘉靖中熊叔仁與平涼趙景仁皆以文筆

著而叔仁與博時謂在王浚川唐荆川伯仲間今來

先生桑梓其集亦無傳從選集中得數首陳名卿以

為西京典則固吉光片羽也備錄於編

劉 愔 性正直聰明不干仕進以聖賢自期同時

內江趙文肅貞吉督學蔣信司馬蔡汝楠祠祭郎熊



過太僕謝廷蒞均與往來研究程朱之學於康節先天之說尤得不傳之秘遺書惜未有能受之者所著有明道錄

謝 金 字以虛知英孫幼聰穎一讀便能成誦秦漢以下古文靡不究心尤明於當代典故性方正簡易居家授徒一時如郎中熊過僉事謝廷蒞知縣金棟孝廉李方至族孫謝朝錫皆所陶鑄雖家用不充淡如也著有居鄉錄性理通鑑考誤等集

謝廷芝 字子如充長子嘉靖丙戌進士授刑部主事陞本部員外郎乞終養歸以孝聞鄉里

敘州府志

卷三十四

人士

夫

富順

萬邦憲 字宗尹鈞之孫嘉靖辛卯解元丰采精明卓越歷官以才名顯早年休致居鄉德望服人博洽今古尤嫻吟咏下筆立成所著有考古通論石亭詩集

甘化霖 字公育爲霖弟嘉靖辛卯舉人授嵩縣知縣乞終養歸尋卒平易方正有古人風

龔 璘 字栗夫嵩之子嘉靖辛卯舉人以母老不仕性剛樸自奉甚淡豐於養母未仕卒鄉族稱之

唐 曜 字幼貞嘉靖壬辰進士三爲縣令俱有異政歷官郎署郡守至副憲以才望重於時年四十旋



致仕歸人高其謙退祀鄉賢祠

謝廷蒞 字子佩充次子嘉靖壬辰進士任黃陂新喻溧水知縣俱有政聲擢吏科給事中與曾烜等諫帝南巡忤旨謫雲南典史屢遷浙江僉事以待養歸遂不出吏部高其行請以新秩歸老許之萬曆初四川巡撫曾省吾奏其隱居三十年家徒四壁樂道著書宜加京秩風勵士林詔加進大僕少卿卒之日無貴賤老幼皆悲之事詳見明史

黃 燈 字元登號雲浦知府璿孫嘉靖丙午舉人丁未進士選河南彰德府推官擢陝西兵備僉事築

敘州府志

卷三十四

人士

七

富順

河套十八堡穿沿邊井三百餘眼督撫甚重之尋擢山東按察司治河副使時議開魚臺支河燈躬督畚鍤於河壩與工匠同辛苦爲河長九十九里價減工鉅爲分宜所忌致仕歸怡情花木卒年八十二

甘 茹 字征甫嘉靖丁未進士授知縣歷部郎至山東副使致仕以文學名於時所著有巳癸草入秦歸田拔茅山人草等集世多珍之

李方至 字如川鳳之子嘉靖庚戌進士任工部主事歷員外郎中抗疏忤權貴遂歸杜門不出時高其節



熊迥 字叔遠戟之子過堂弟嘉靖癸丑進士兩任縣令有聲擢監察御史擒妖賊李應乾蒙詔獎賜未受卒祀鄉賢祠

范懋和 字晴湖嘉靖丙辰進士恤刑粵右握兵潼關皆有異政文章奧博古雅祀鄉賢祠

宋豫卿 字元順嘉靖己未進士歷任兵備提學參政所在有循聲以不屈武弁抗疏致仕歸居家以孝友聞邑中督學自豫卿始

李長春 字元甫號棠軒方至子隆慶戊辰進士二甲第一選翰林庶吉士歷檢討編修侍讀侍講纂修

敘州府志

卷三十四

人士

六

富順

兩朝實錄大明會典管理文宦誥勅擢御史至禮部尚書初爲御史時周延儒伺意竊柄文華殿召對漏下數十刻乃出語秘不得聞長春疏論獨對之非延儒乞罷不允歷官節概侃侃尤聰穎博洽嗜山水致政歸與文士遊名山勝刹所至題咏著有棠軒詩文集事見明史

唐可封 字堯臣嘉靖乙卯舉人隆慶戊辰進士歷任廣東學政按察司副使慈惠公明衡校粵東時稱得士祀鄉賢祠

熊敦樸 字茂初號陸海過之子隆慶辛未進士選



翰林庶吉士授兵部主事歷福建提學僉事乙丑典試貴州轉貴州布政使司左參議著有玉堂漫稿

徐旭 陝西通志富順貢士隆慶時知雒南好士

郵民時礦徒猖獗躬討之被圍百姓俱棄家奔救新補

按縣志原有郭元柱傳考通志舉人題名作富順

人進士題名作隆昌人今祇存隆昌一傳

劉之龍 字起潛號陶宇萬歷庚辰進士官至湖廣

左布政歷任皆有政績入楚名宦祠本縣鄉賢祠

王養士 字尙志紳之孫邑庠生幼穎異慧悟過人

博學爲一時之冠隆慶丁卯鄉試入闈見摻檢士子

敘州府志 卷三十四 人士 九 富順

披衣跣足恚曰國家待士如此耶弗入歸絕意仕進

課子授徒與張聯奎劉時俊程嘉賓邵建封講論性

理諸書居西湖思賢亭卒年七十八長子納言萬歷

乙未進士

朱 菖 字孟遇懋之孫萬歷丙戌進士歷官雲南

按察司副使苑馬寺卿操履清嚴一介不苟致仕歸

行橐蕭然無所餘蓄祀鄉賢祠

舊縣志原附有墓表移入冢墓

陳遴璋 字見華號玉甫萬歷丙戌進士翰之子初

任順天宛平縣令歷考功稽勳驗封文選司郎中性



剛直爲權貴所忌致仕歸避嫌不起

朱芹 萬曆己丑進士 歷貴州右參政 監軍副使 分守平越 天啟中安酋叛圍平越 芹瀝血誓眾募兵 堅守城得全 擢布政使司事 見貴州通志

楊述中 字衡毓 萬曆己丑進士 任襄垣縣令 擢江西道御史 內官客用驕橫 述中合同官糾之 羣宦切齒 謫太和典史 後起推官 陞主事 天啟初安邦彥奢崇明相繼逆叛 詔中總督雲南湖廣軍務 賜尙方劍 率秦楚滇豫蜀五省官兵 援黔勦逆有功 因撫軍王三善敗 績述中尋乞休歸 以喻旨有老成慎重語 自

敘州府志

卷三十四

人士

三

富順

號老菴 長子愈隆 戶部主事 號持菴 次子愈昌 知三泊縣 號慎菴 三子愈宏 選貢生 號重菴 祀鄉賢祠

按縣志原有劉時俊傳 詳隆昌人士 不重錄

以上段縣志鄉賢上

阮良選 字動明 萬曆庚子舉人 任常德府推官 武陵民變 掘楊宦塚 良選論爲首者 決餘人以次 滅上官駁 飭良選力爭得免 擢臨鞏兵備僉事 致仕 歸卒年八十 後邑人有相遇西郊外者 傳爲尸解 云見三

原秦所式撰墓誌

何士林 萬曆辛丑進士 歷湖廣參政 貴州按察司



副使皆有建樹居家事親以孝稱於時

楊述程 字華毓萬曆辛丑進士天啟間以監軍道  
勦撫奢賊有功擢僉事都御史巡撫廣西與鎮監有  
隙致仕歸卒年七十餘祀鄉賢祠

王 昌 萬曆丙午舉人任貴州天柱縣有惠政去  
之日士民肖像祀之事見貴州名宦志

方明棟 萬曆丙午舉人歷廣東廉州知州貴州平  
越府同知天啟三年監軍進討水西死於戰事聞贈  
按察司僉事廕一子入監賜祭見貴州通志

范 鑛 字我遠岷彙子萬曆己未進士任山陰上

敘州府志

卷三十四

人士

三

富順

虞河陽縣令以忤魏璫不得遷崇禎初擢戶部新餉  
司郎尋以邊才舉口北道多所建樹口北舊有圍頭  
八名歲時得鏹數百鑛悉以佐軍輸補河北屯田副  
使擢貴州巡撫流寇擾亂命總制黔中勦寇黔民戴  
之康熙元年貴州士民請入名宦子琚璐康熙壬子  
同榜孝廉祀鄉賢祠

舊縣志原附有神道碑文今移冢墓

郭時亮 慶年子萬曆壬子舉人歷貴州平安道參  
政性平淡一介不苟蒞任一以清靜爲治士民安之  
會郎岱生夷蠢動時亮親往開誠撫諭遂寢其謀事



見貴州通志

劉之柱 字鼎宇用中孫萬歷丙辰進士任戶部主事歷廣東道副使所至不以才名顯去後人常頌之  
熊師旦 字于侯遲之孫萬歷丙辰進士博洽經史尤工古文至督學所著有晉言全刻

聶紹昌 字元玉萬歷丁未進士家居時嘗設館黔中歲暮歸過赤水衛見路旁父女二人相持慟哭詢之云負官錢鬻女以償紹昌以館資如數與之歷官巡按陝西以清直著祀鄉賢祠子一心格心舉於鄉

一心 歷山西汾陽道舊縣志江南通志字繩之四川人

敘州府志

卷三十四

人士

三

富順

萬歷三十六年知華亭縣覈上戶詭匿田六十餘萬於是中產以下得免重役而力征亦不及搢紳時論稱平按通志作成都府人誤聶氏家譜稱紹昌由華亭知縣擢福建道監察御史巡按陝西甘肅督理學政通志縣志均未詳

唐登儁 字均州萬歷丙辰進士任高純縣令陞主事歷河南湖廣道參政山陝驛道在甘肅時疫起死者枕籍登儁悉捐棺收掩之眾共建祠以祀祀本邑鄉賢祠孫武清有高節知章康熙壬子孝廉

劉象瑤 字君岫萬歷乙卯舉人歷官口北兵備副



使初爲岩渠教諭母病徒步數百里趨歸母終哀毀  
骨立家人嘗設筵集客見孟底盛蔬覆以肉象瑤見  
而恚曰一事假何事不可假速命易之平居不欺類  
此

楊世賞 字菊存一字懋軒承棟子萬厯壬子中順  
天鄉試歷任貴州按察司副使都清道駐劄都勻府  
開府監軍提兵征水西親履山險擒酋長何中尉宋  
萬化奉詔爲西征首功著有黔籌黔案二集祀鄉賢  
祠

熊江 字雲邱迥之孫萬厯己未進士厯任山東

敘州府志

卷三十四

人士

三

富順

濟南監軍道任事精勤卒於行間懷宗詔贈太僕寺  
少卿勅詞略云爾原任山東監軍道熊江才足匡襄  
忠齊夷險自雷封著績卽高程士之衡追水部含香  
彌凜當官之操譽隆典禮寵擢參藩乃窮伍脫巾變  
生倉卒而治兵需餉計棘輪將爾能奮勵直前抱丹  
心之激烈拮据以濟畫赤手於方員至力竭夙宵神  
飛烽燧捐軀王事遽摧貞幹之才追晉同卿特予槐  
階之秩祀鄉賢祠

曾傳吾 萬厯間爲江西東鄉令有善政見艾千子  
文集 段玉裁曰天慵子稱子十數年於東鄉令君



得二人焉一為富順傳吾曾公其為政也簡易近民  
寬里胥蠲緩矢吏不擾民民不畏吏及其晉秩瓊海  
以五載為吏而不能具千里之糧天傭子之言固可  
信今而傳後者也則未知傳吾者其名歟抑其字歟  
文獻無徵湮沒而不傳者可勝道哉

按通志曾遇富順舉人萬歷時

廉州同知署欽州程賊乘虛陷城馳回賊散去明年賊復犯力禦之事平州人立祠祀之或即此人與

聶繩昌 天啟辛酉舉人奢崇明叛與王履亨毀家  
募義勇戰死同董盡倫翁登彥李忠臣高光胡縝吳  
長齡胡一夔等事見明史祀忠義祠縣志舊通志天啟  
辛酉舉人是歲奢酋叛犯城繩昌集鄉勇數百人拒

敘州府志 卷三十四 人士 富順

賊東津殺賊甚眾後敗衄被執不屈死廕其子

按

聶氏家譜稱天啟七年贈尚寶司丞廕一子敘南衛  
百戶世襲入鄉賢忠義二祠通志縣志皆未詳縣志  
作繩昌通志及遵義府志皆作純昌與縣志異又

皇朝康熙四十七年學臣王奕清訪求先代名臣子孫以  
繩昌元孫元良入邑庠為奉祀生新縣志載入蔭敘  
亦誤

遵義府志遵義縣南九十里高溪水黃姓宅內有  
明崇正十二年所立聶氏族譜碑云神宗殲厥渠  
酋於是我祖攏攜吾父汝冬伯汝夏叔汝季自富



順來茲既而生汝甫汝軒傳四五世矣遼陽之變  
吾父兄奉旨督兵援之水蘭之變吾父兄聚義兵  
扶之沒於王事者吾父汝冬吾兄榮昌齡昌是也  
聖恩雖授都參遊守者數人當事者恐未知吾族  
人友愛苦心今仰賴聖天子威靈稍得安枕云云  
後題紹昌丁未進士純昌辛酉舉人姪一心庚午  
舉人格心癸酉舉人據記文當是奢氏甫平後汝  
冬子所撰紹昌純昌必汝冬子姪但勒記時純昌  
已死難不竝數之何也或僅及其親父兄耶聶璫  
及汝冬榮昌兄弟忘身死事當書勳名史志竝無

敘州府志

卷三十四

人士

五

富順

可考雖皆遵義寓公死難事略不能傳至一心格

心已成播人四川選舉志稱富順人從其籍也一

心官至山西汾陽道惟無事可紀故竝於此著之

今其子孫散居小虎場等處故宅爲黃氏所居

新附

王履亨 天啟辛酉舉人奢崇明叛與聶繩昌毀家

募兵督義勇於東廂龔家灣禦賊力戰死見明史忠

義傳

楊其光 字錦步天啟丁卯舉人任宛平縣令有政

譽擢兵部主事李自成破京都不屈遇害後宏光蔭

卹



董我前 天啟丁卯舉人任衡山縣令崇禎十六年  
八月獻賊陷衡州巡按王聚奎李乾德及監司以下  
皆遁士民奔竄賊至衡山失守我前與教諭分宜彭  
允中皆殉城死事見明史

宋世第 字雲仍貢生天啟辛酉奢崇明叛世第寓  
建武賊將至時安邊郡丞出署他邑篆本所千戶知  
廳帑尙貯銀數千兩欲借以給兵爲守城計者難之  
世第矯邊城檄發帑金給兵食城乃獲全丞歸嘉其  
績聞於撫軍朱燮元燮元歎賞馳書徵至軍門贊畫  
機務後仕雲南彌勒州牧多惠政丁內艱歸卒七十

敘州府志 卷三十四 人士

八

舊縣志原附有墓誌今移入冢墓

阮振中 字紹一良選子天啟辛酉舉人任壽昌縣  
令剖疑獄創修城垣擒詭寇以廉舉卓異壽昌人祠  
祀之擢江西道御史奏免潮州欠絹差視河東乞終  
養歸杜門不出弟捷中掄中俱死難  
余敬恆 字崑五天啟辛酉副榜官至甯州守多惠  
政著有地理心法甯州政略

楊世則 字準軒廩生與熊江唐登儁熊師旦范鈞  
范鑛等講學東山後江等俱成進士獨世則以諸生

富順 川文



終時稱東山六子

陳盟 字無盟萬歷壬子舉人初任新安教諭登天啟壬戌進士選翰林庶吉士歷檢討至司業典試南畿罷寓居金陵以文學風雅名於時卒年七十八著有三朝紀略雪齋詩集

喜至懷德鎮詩

神霄關下放仙班刷羽驚還白塔灣酒媿藥巴澆劫火錢無于頓買巢山

恆河已為東風皺短竹先拚錦袖班暮秋出湧金訪

惟有虎頭依舊好笑人寂寂度叩關友 霜日湖光景色舒平瀾彌望水天虛沿城草路經

鶴散亭墟感時有客歌贈馬景駒游樵李兼寄訊史

筆山太守詩

筵間何幸挹芝光滇浪萍踪共渺茫臭味自因蘭蒨合襟期詎肯腎肝藏甯愁

敘州府志

卷三十四

人士

三

富順

握手無知己願到當途念老狂為感兵燹 脫鞞野藝

寄淮南汲長孺邇來詩思在河梁錦蹂為魚葉乾屋瓦羣飛作鬼嘯壁魚爭出舞灰寒

衣冠半已銷兵劫繡鬚橫來點漢官信是虎符仍鄭重無令狂狷廢虞干○自注邑為蘭西所毀蓋起於徵發云

周麟 字瀛仙天啟甲子解元湖廣會同縣令有才名所學淹博值寇亂上陳禦寇諸策俱略中機宜

當事不用發憤卒

崇禎元年還自都門作

昔為童子戲目中無眾穉角逐少年場英英吐雄議欲坐

祕書省染穎雲煙墜當日衿紳見訝為天廟器稱我

夙慧奇胸等黃中記著年二十餘方翮錦江轡著鞭

向燕都射策兩遭躡悠悠懷古今圖史盈天地雖受

贏政談尚同華岱積我于惠子車猶未窺一二中原

鍾玉馬含奇在幽邃豈無把臂心結慕未相值龍蛇

蝌蚪文遷馬難盡誌子徒盡日陰未辨子雲字驅車



指蜀雲笏心良自媿長安多卿相紛紛結高駟文籍  
張君房空驕紫微位誰探二酉藏玉堂何雲萃以茲  
深感歎莫制英雄淚問天高難度修己美應備夙夜  
悔前疎征邁將攸寄所期在史閣絳帳安辭勸行伴  
蘭杜芳文結雲霞瑞誠恐泥豪華日親脂粉膩柳條  
鷺語慵廢書貪曉睡復虞聲價重易為眾所比避羣  
思不遠慎己日加必趣孤用易忌道貴俗難累名同  
勢竟速朽詞翰永無毀長存捧漢心非覬穹昊賜同  
姚子緯泛舟湘陰秦淮葱鬱古皇城四馬能驅洽大  
明龍虎都雄從地設鳳凰臺著屬

天生端揆秉國承三錫大將登壇奉九征搖嶽皆驚  
轟震鼓絳霄遍駭滿霓旌閩中赫濯光如射湘上離  
騷恨已平研映翠華新動影山甯草木竟無兵啣杯  
選韻人雙璧盪漿乘流月二更誓報兩朝文武烈神  
奇八陣古今名去年一葉波濤靜此日千官舞蹈盈  
行草白麻懽應制坐持黃鼎快調羹汾陽已自與唐  
祚諸葛何曾復漢京端識金甌專有卜懸知鍊券定  
申盟含香劍履星辰近垂珮雲霄江漢清主聖臣賢  
褒作頌無疆對嶽麓飲露初鮮風雄浪起堆山雪雨  
豈更問長庚

敘州府志

卷三十四

人士

天

富順

氣連天織樹煙猶有當年三策筆能為此日署中春  
十州仙牡丹花媚長生秘莫頓芳姿祇自憐  
晚春盡南天景寂寥思鄉還共楚雲遙林花著雨香  
猶在堤柳無風絮自飄水國獨慙臨縣邑煙村爭  
合負漁樵青梅時節鶯聲老日逐餘芳帶酒瓢  
熊飛 江之弟天啟丁卯舉人歷任有異政其兄  
江前任楚鄖監軍飛於崇禎壬午亦歷監軍道任與  
江相隔數年人稱棠棣交美

按縣志原有劉潛傳詳隆昌志不重錄

胡甲魁 天啟丁卯舉人歷雲南分巡洱海道參議  
布政使司參議按察司僉事恩加太僕寺卿總理川  
貴監軍事務才幹明敏卓越予告歸休學問尤邃著



有雲山詩集

劉之褒 字起淵天啟間恩貢授蘇州嘉定學正遷陝西汧陽令時關中寇亂鄰邑多陷之褒繕樓櫓治鎗礮以死自勵賊至輒披靡軍中有銅幫鐵底之謠賊眾蝸子塊張妙手等二十餘萬人傾心就降督師洪承疇中丞孫傳庭交疏以邊才薦旨下行取備臺垣選以忤鹺使意挂彈章事白召仍赴京會賊成已僭號竊據路阻不通由間道歸川與邑令登陴獎巨室出賞犒軍爲保城計眾心瓦解人無應者遂鬱鬱臥病聞賊陷成都病愈篤伏牀口呼擊賊面赤身汗

敘州府志

卷三十四

人士

无

富順

越五日忽云逆賊於九公山就擒矣諸子問何時答曰八月十九日寅時至期之褒卒後按成已授首期與所言合人謂其爲厲鬼殺賊也

陳斗陽 由蔭生崇禎戊辰任雲南楚姚曲濶等處總兵三任盧赤永大招討將軍承勇烈侯職順治丁亥在永甯陣亡

萬 鯤 字圖南崇禎辛未拔貢初任雲南府判官有喬姓者弟兄五人爲姪妻坐誣論死將決鯤視事詳鞠之十晝夜盡得其情作十可疑力陳五人俱得免擢貴州鎮甯知州後子孫多登科第者咸謂陰德



之報云

彭士英 崇禎庚午拔貢任雲南楚雄知府聰明穎悟博學多聞甲申變致仕歸里成就後學登科第者不一著有壽世集

韋調鼎 字玉鉉蕃之子崇禎癸酉舉人任南京戶部主事陞兵部武庫司郎中文章政事爲時所推未幾病卒所著有詩經攷定古今彙纂

按縣志原附有詩經攷定序今移入藝文經部又按此後原有劉泌劉善復兩傳均見隆昌志不重錄

敘州府志

卷三十四

人士

三

富順

郭運暄 字負暄號獻君元柱孫繼昌子爲繼隆後崇禎己卯舉人任麗水令未期年利興弊穢御史薦於朝處以臺省後抵貴州眉潭因僑焉時流賊餘黨孫可望據黔索明臣不附已者又徙避萬縣賊黨張虎至夔州執暄送可望暄終不屈乃釋之永曆時以暄爲先朝舊臣不污於賊擢大理寺左評事李定國以擁戴功怙勢擅權屢興大獄暄憑法執諍棘棘不阿定國數銜之順治十四年 王師定雲南經略洪承疇暄季父同年友也欲薦暄以老疾辭歸自號疑始道人著參同契悟真篇定義金汞返還大丹口訣



等書疑始道人詩文集

郭孝懿 字仁仲號峩月懋宏繼子母卽貞烈楊氏  
幼刻苦力學嘗讀書寶林寺倦欲睡則跪磁石自警  
博極羣籍治尙書有聲崇禎年間拔貢任貴州威甯  
教諭時賊兵犯雲南道經其地孝懿自投於水昏臥  
七晝夜浮岸得不死事平家人徧求得之旋遷安化  
令時多變故與叔運暄同辭官歸里訂尙書翼註著

桃源文集

劉晉康 字巨源之龍孫崇禎己卯舉人初授福建  
平和令秩滿解任邑父老子弟號泣攀留旋取新令

敘州府志

卷三十四

人士

三

富順

印投晉康懷曰是吾真使君也萬人走闕下疏陳借  
寇壘書下臺省廉其治狀咸報可乃以新銜視邑事  
渡海南羣盜登舟劫掠僅見所著舊刻滿籛賊等拂  
意怒投江中以去再領廣東康州守惠政治民一如  
聞之平和除繕部郎因世亂棄官貧不能歸仍以詩  
文自娛民懷舊德競相饋遺歷十餘載順治戊戌卒  
於康州葬城北香山原配黃氏合墓士民爲撰文立  
碣耐主香山佛舍置租三十餘石以供歲享著有綱  
鑑郭略蟬史勝山堂稿勵花齋彙集古今同異考等  
集皆投海中門人李拔干從親故家得嘯餘草刊刻



行世事詳嘯餘草

楊愈盛 字森麓崇禎己卯舉人乙酉流寇陷富順執之脅以偽職時勦賊官兵將至愈盛密與約許為內應賊得其書殺之闔門皆死入忠義祠

劉堯珍 字唐臣崇禎庚辰進士父之藩為温州府同知有蔣推官以科試未與分房憤恚卒之藩室姪將產夢推官入其寢所曰我為汝家兒及產堯珍也幼穎異行文清逸年二十四登進士授海鹽知縣俸未及滿壬午鄉試分房取莊麟陳恂等人以為狂罷去後起兵科給事辛卯孫可望據雲南遣使乞封王

敘州府志

卷三十四

人士

三

富順

時議欲許堯珍切諫不可歷數不當封者十辭甚厲可望知之率勁卒迎至南甯命偽將賀九儀張勝張明志索堯珍殺於南甯江畔同被難者有嚴起恆楊鼎和吳霖張載述等數人越數日始殮顏色如生橐葬南甯子三人事見明史祀鄉賢祠

萬 慎 字敬止號退菴資穎絕倫博聞廣記崇禎己卯副榜宗伯李長春友事之時明末兵燹典籍灰燼嘗默寫綱目典故以傳經教授為己任著述甚富兵火不存

劉 蒞 字汝馨號文季之褒子邑廩生才高學博



勇冠避兵走黔值永厯竊據與之委蛇歸葬一門死  
賊難者十餘家著有愛蓮軒烏私泣等集行世子大  
文大武皆明經

還江陽

百雉荒垣俯碧流金仙遠眺水平浮長松漸  
蔽同文塔惡卉叢生奪錦洲瑩寢週開狐兔

穴招提書見虎豹遊河干握手諷遺老故國淒涼閱  
幾秋。殺氣消磨已十年流離煙火尙遷延巢林春  
燕嫌王謝蹈海冥鴻滯祖鞭賤骨倖鋤遼左地移文  
翻笑子卿旋殘山剩水重相見危苦江關老仲宣

李瑞鶴

字雪卿因亂避兵居貴筑孫可望聞其名

欲官之雍髮逃去賊平巡撫楊茂勳以禮延爲子師  
瑞鶴以方外服見歲時贈遺一無所受及沒茂勳遣  
人護喪歸著有發餘詩集見貴州通志

敘州府志

卷三十四

人士

三

富順

陳啟相

字述谷號放菴貢生官河南道御史明末

棄官爲僧寓貴陽居於播之平水里人稱爲大友和  
尙方外者多宗之著有平水集百餘卷諸達官欲致  
一見卒不可得事見貴州通志

遵義府志羅兆牲與夏某求飭府令爲啟相樹碑

表墓書啟相當 王師定鼎棄家爲僧法號大友

遍遊吳楚諸山于壬寅歸隱遵之平水里掌臺寺  
足不越戶者將三十年有時不免饑寒嘯歌自得  
一編一鉢蕭然人外中丞張德地查木臨遵遣官  
敦請再四卒不可致行年八十示寂葬寺後址令



親優免寺差集僧守墓今令親將行恐繼事者未  
樂護持牲又餽口四方照料不及念先師力學好  
修至髦不倦隱身玩世全節以歸近無耆舊之編  
遠缺遺逸之紀孤忠潛德化爲蔓草寒煙已足哀  
矣乃猶樵蘇不禁抔土無依不重可慨哉祈行府  
飭令表墓以示敬禮前賢之意四川通志經籍志  
字晞谷富順貢生平水集數百卷通志平水集數  
百餘卷遵郡紀事啟相字枚菴金川人明末進士  
官河南道御史解組還里適寇亂入遵業南鄉從  
釋行文如烈馬馭空遊龍戲水不知其來尤工真

敘州府志

卷三十四

人士

三

富順  
川文

草隸法年九十卒二子在庠原按郡南掌臺山之  
堂子寺即啟相隱名處墓在寺後尚存據今寺所  
存神主稱傳臨濟正宗第三十三代上聖下符老  
和尚知出家後名聖符大友其號也諸集又自稱  
掌山老人據寺中一殘碑稱枚菴則富順志及通  
志作放菴竝不如紀事之確考四川選舉題名竝  
無啟相紀事獨云進士傳聞誤也其年壽當以兆  
牲書爲得其真紀事亦誤至其寓遵據兆牲書明  
亡卽爲僧至康熙元年始至遵義是其實錄紀事  
謂解組還里適亂入遵從釋非也子名世字又尙



歲貢能傳家學時著才名平水集今未見傳本惟  
法語及文集數冊有抄本存未及全集十分之一  
此外當更有藏者啟相在明末實一大作家逃名  
遵義時談亮羅兆牲諸子並從之遊得詩文傳授  
人才之開當知所始故詳著之

附新

瀝膽遺事

嗚呼終日不見一好人一好話空過  
一生殊為恨事詎知好人好話自不無過

不我值耳今年九月望日兀坐無聊有客見顧登樓  
語次忽及滇事始末愕然有間旋出而觀所謂瀝膽  
公案因相抱哭切齒吳逆恨不得寸磔之天道恢恢  
豈不大哉迄於今逆賊以反覆之故伏誅散骨先帝  
之日庶幾瞑乎悲夫客姓黎氏名維祚字名遠江津  
人幼不肯竟學惟雜技卜算形家等是就遭亂轉徙  
家遵義己亥會駕狩緬時諸爵鎮將各據眾拒守維  
祚憤號泣遍走告以大義皆忻幸各密草迎逆奏

綏州府志

卷三十四

人士

三

富順

付達維祚乃合若干本竅木榕三尺許莖其中用荷  
蓀鑄等物挾術以行時庚子正月廿二日也予時寓  
雞足維祚過訪道其行故心壯而難之一宿去自是  
無從問下落矣至辛丑九月十八日抵孟良府謁晉  
藩李定國述其艱苦及諸勛志晉藩色動維祚就破  
格出諸奏相示晉藩大義之十月六日給以合諭一  
道中云今皇上入緬勢已危急若能走通聲息懋建  
奇功決不負若當即為若轉奏時駕在阿瓦城城左  
右夾河洪波浩渺相拒五六日程祇聲息通主臣不  
得見隨奉勅云皇帝密勅瀝膽將軍黎維祚據晉藩  
奏爾忠肝貫日義膽渾身穿虎豹趨辰極烈風勁草  
殊軫朕懷茲授爾瀝膽將軍督理滇黔楚蜀遍厲諸  
勳將士山林隱逸等謹慎固防枕戈以俟候晉鞏兩  
藩舉師四路策應且夕是圖勿遲勿忽十月十五日  
拜受訖並收空旨百道印三顆造複底小舟密藏之  
木刊諸神像擊小鉦鑼肩唱以行晉藩大喜以旌甲  
擁至通界始改裝返報諸營冬十一月復入緬復命  
比至騰越而緬夷已送駕出矣時蓋孟良夷謀亂事  
洩晉藩怒屠之量不可居乃馳約鞏藩白文選共攻  
阿瓦木城七重已破其三夷曰汝不過欲見乃皇帝



耳幾年和好一齣背棄何益姑止攻三日當送出否  
則我亦有變計一任汝為不得已從之關二日右河  
船密如木葉內外夾攻兩藩覆沒幾盡自是兩藩分  
散晉徙他夷所鞏謀恢復據騰越馬寶與鞏素善詣  
白營遙呼曰我隻身來說好話者諸軍勿動遂入相  
見告以密謀言吳願與白合白遂受所給有艾將軍  
者滿州人亦懽踴附從相與鑽刀歃血會上由別道  
亦為緬夷送出居草殿三間日共環其外吳兵又環  
之維祚至艾導入見上見維祚大哭維祚泣日事今  
至此臣惟疾奔告諸營整兵於要道接駕上日兒子  
爾可致意十王家等若能救我出我只願修行去喫  
咽不能言手剪御衣一片密寫勅付即行晝夜兼程  
抵荆侯營謀共於偏橋劫駕復入滇偵探駕已崩於  
壬寅三月矣維祚呼天搶地恨不即割刃吳逆之胸  
狎狂遜去不知所終贊曰匹夫慕義無窮迺其名卒  
湮沒不克見稱於世者可勝道哉覽維祚事其信矣  
乎維祚自己亥迄壬寅四年間身無一日得見家足  
無一日不在路前後三度歷絕絕域無人之境其生死  
願足道耶志雖不克竟亦足悲矣

上范閣部書

客秋曾具啟附謝王

兩君上達嗣後別緣

敘州府志

卷三十四

人士

三

富順

因循至九月廿九日始得陸辭其時聖蹕江干頃動  
震搖已非世界寸寸荆棘日日紆迴竟不免於苦劫  
老母殞歿抱恨終天君命草莽戾干大憲任豈復有  
生之願望哉身帶重傷困于六毛山中數日不死乃  
為白山忠興諸人憐而收之詎意風氣所及捷于飛  
鳥瞬息而黑波萬尺不復見黍離矣如韋如王兩者  
終能閉關自守故吾不失殆真晦冥日月不苦諸夏  
之亡是可知感也其詳具渠等揭中但渠等心血雖壯  
而慮始徹終不無尚希所倚倘得六軍西出則諸人  
即爭先效死無辭任戮民也敢復關談所事第念諸  
人忠盡勃發必欲得任之一言私于老年伯前任又  
安能遜謝乎粵黔接壤逼滋他族可弗圖與萬祈老  
年伯留意垂照不負爾踵犯難之行則至幸也任辱  
受老年伯知遇之深未識有日赴階前謝謁否臨啟  
曷任涕咽  
倦切之至

傅惟翼 江南通志富順人萬歷中知徐州為政簡

要凡可因者因之不可者務與眾參酌而後去賦平



役省循良爲一時之冠

劉之範

〔雲南通志〕富順人萬厯間任廣通知縣建

城郭靖盜賊舉孝行蒞任八載清正愛民行取評事

錢節用

〔一統志〕富順人知麻城縣萬厯初詔天

下繕城節用出藏以充公費分作均任七閱月城成

周朝重

〔湖南通志〕號葵陽富順舉人知興甯縣性

明而政嚴豪猾屏迹調任零陵民立生祠祀之

何起升

〔湖南通志〕富順人萬厯中知湘潭縣蒞事

精勤實心治理催科不擾凡廨署城池整飭一新

陳暹

〔一統志〕富順人萬厯中知鄖陽縣時議

敘州府志

卷三十四

人士

三

富順

開礦採金遣中官至鄖暹言礦脈已絕遂得報罷

熊引豐

〔陝西通志〕字年玉富順舉人天啟初知扶

風機警饒幹略先是邑多逋欠麥秋後追攝四出胥

役復上下其手竊取贏餘引豐廉得其狀無羈留需

索之擾百姓爭先輸納奸宄戢伏境內大治

杜繩甲

〔江南通志〕字皖實崇禎時鎮江府同知濱

江宿盜多通邏卒爲耳目繩甲出不意操小舟擒盜

於臥內江洋以清

唐學顏

〔陝西通志〕富順人爲郃陽尉遇歲祲禱雨

散粥愛民如不及以勞瘁卒於官士民惜之



談亮 （遵義府志）字晉若富順人明末寓平木里  
永歷中鄉貢進士知義甯縣調麻哈州陳起相女夫  
隨隱掌台寺著有詩文集數十卷燬於火並新補  
朱志韓 菖之子幼入黌序有聲後以他途辟甫受  
官卽遁去無踪賊平旋故里隱居授徒每教人輒依  
於忠孝二十載無疾而沒

周之翰 字維翰邑庠生幼有文名遭亂隱居山中  
教授生徒年逾七十甘貧樂道鄉里高之

劉元復 志高尙不羈力學不仕鄉里奇其才  
羅之會 明末歲貢生遭亂負母雷氏隱居深山歷

敘州府志 卷三十四 人士 富順

險阻克全於難六十始娶率妻孝養不衰及耄更育  
二子人謂孝感所致年八十卒入忠義祠

盧元卿 字調元天啟丁卯解元累官陝西甯夏河  
東道以清廉著聞闖賊陷秦遂托黃冠潛遁秦嶺自

題云生平志氣凌霄漢自許惟憑忠孝心家國陸沉  
聲板蕩空拋血淚寄兒孫卒葬於隴嶽人慕義祀之

周晉中 號萬英載五世孫貢生因避亂遷貴州赤  
水隱居授徒爲當時藩憲所重屢薦不起後歸籍卒

熊兆桂 字宕渠邑廩生崇禎乙酉獻賊據城兆桂  
集義眾拒賊被縛大罵曰天運至此任爾賊奴戕賊



良善鬼神肯為爾等寬耶賊剖其心分咀之又剝皮  
蒙鼓令出入者擊之祀忠義祠舊縣志殉節諸臣錄乾

隆四十一年

入忠義祠新附

郭珏 字世安諸生獻賊破城被執大罵不屈其  
女同行亦被執欲犯之罵賊益厲俱遇害

阮捷中 良選子振中弟崇禎壬午舉人任普安學  
正流賊陷城闔門殉難黔撫范礦題請賜贈弟掄中  
任遊擊領兵救縣巷戰死入忠義祠

黃景 崇禎貢生時赴選聞流賊陷城死於難

敘州府志

卷三十四

人士

三

富順

范瑜 總督鑛子邑庠生為流賊脅至成都同庠  
生劉玉發共通官兵事被賊殺弟璇庠生同瑜亦被  
殺入忠義祠

劉堯恭 邑庠生為流寇所獲奇其才品欲用之堯  
恭大罵不止擄其妻盧氏併殺之投屍江中後見為  
厲賊首張廣才畏而禳之入忠義祠

按縣志原有郭也平傳詳隆昌人士此刪

倪養雷 字裕素謚貞愨由武庠効力保舉榆林參  
將遷雲貴總兵

國初欲復詔用因年邁目盲未就後二年目復明有司



申報上憲給忠能生明額懸之門

楊其尤 字瓜步世賞子恩貢生避兵貴州丁亥寇犯貴陽其尤屢入夷穴徵兵出援授新貢令王祥攻城防守有功擢安順同知歷刑部主事遷鎮甯武岡州牧致仕

王向之 明末廩生性坦直避亂歸鄉家徒四壁至終日不炊處之泊然屢召不應試放情於酒嘗遊市并作小詩諷勸世俗識者悲其志焉

李韻 字非璘廩膳生崇禎末與萬慎劉蒞輩結詩社於鄉塾兵亂入寺爲僧賦詩云奏賦題橋事已

敘州府志

卷三十四

人士

罕

富順

空孤踪塵海亂離中懶於世上如飛鳥靜向山中學臥龍誤信文章懸日月愧無忠孝答蒼穹維摩自謂今相識不羨凌雲與大風後不知所終

楊鴻基 字德公號自怡侍郎述中孫三泊縣令愈昌子幼隨父雲南任父卒扶櫬歸至黔中值蜀亂僑居貴筑方七歲母郭氏知書侍母課讀遂通經史詩古文詞亂後歸無意仕進布衣終身子汝愚魁庚午鄉試旋歿語人曰吾家受國恩厚始願第欲吾兒博青衿持里糧門役足矣不謂其竟竊科名此其所以死也卒年七十四著有葛山集



按此後原附有蜀難紀實一篇今移入紀事

苗路宗 崇禎丁丑進士由侍衛授兵馬指揮使出師屢有戰功後事永懋授御營總兵官躬擐甲胄不避艱險雖流離播遷有死無二王嘉其能推轂任之復令總理諸營糧餉軍務加金吾將軍旋晉柱國以創毒歸卒

國朝李爾振 字子宜幼從父避兵黔省歸貧甚家徒四壁嘗傭鬻以養母夜讀無膏油鑿壁引井火自課時兵燹後人鮮知學爾振淵博康熙辛酉舉於鄉擢科第者多出其門因母老不仕律身應世均有法度詎

敘州府志 卷三十四 人士 富順

諱者排解之不能葬娶者周恤之植品為當時士林之望著有一壑草堂

宜賓侍讀樊澤達撰李子宜傳 公諱爾振字子宜號

始侯李通其先由河南固始縣遷蜀者諱元慶七傳至克諧公以名進士起家方伯文章名節重明武宗朝公大父諱棲鳳明郡廩生一經清白公考陽諱羽陽遭明季之亂四郊多壘播遷黔蜀間披斬不遑未竟所蘊故臨終有偷得餘年勤墾鑿未完債念在詩書之句蓋傷先志之淪胥也公生有異質幼讀小學遂慨然曰如是乃為人耳以公考屬意讀書日夜刻苦值亂離貧無以自立嘗負器物傭鬻為養母資夜則穿壁引井火誦習日盡數千言適逆藩吳三桂以滇叛四川從風而靡人有勸公更名應試者公不屆時則讀書海潮寺為訓弟娛母計疏食未充而研論諷味精神不稍倦麻城內翰李公時鎮於廠夜半巡行聞誦讀聲入寺覘之旋命題考試延入署內析疑考古益肆力於名家諸子之言得為文之法而精進



焉辛酉舉於鄉於是公母王孺人年踰六旬公無復仕進意偕鄉中子弟明睦嫻任卹以維勵風俗而尤篤志於立身行己之事先是縣中屢遭兵燹學者多尋章句公倡爲古學警校課讀列有程品一時從遊者彬雅可觀川撫中丞韓聞公名召以課士委九姓儒學月會季考勤如家塾膠庠不能容踰年告歸有奉俎豆涕泣者時擬之鄭廣文公公持身踐行動以規矩而不爲崖異斬絕與鄉人處薰然以和貧不能嫁娶埋葬者爲之經理里人無不愛而敬之間鄉中有兄弟詬誶至凌其父母者公命治肴酒至遠祖墓前明義決罰其人卒不相忤蓋其高曠慈篤之意人有相感於不覺者於詩書外鮮所嗜好生事素薄分外之財一介不取既卒遠近觀聽者無不流涕嗚呼是可傳矣樊生日自周禮族師閭師之制微而鄉不知學士之有才者組織猥巧迭相祖習而孝友睦親之行名節廉恥之事泯焉其來有自矣不有遠識沈篤之士孰從而返之哉公之行皆庸近無奇其應幾近之而又不行其志以沒余故備述之俾後之傳儒行者有所考云

敘州府志

卷三十四

人士

望

富順

萬 恪 字允恭康熙辛酉舉人任鹽井衛教授性友愛兩兄早亡育諸姪如己出族中婚娶喪葬有力不足者爲經理晚尤好學著有藤坡集 按選舉志係興文籍

李 謨 字采臣康熙甲子舉人性孝友慷慨好義與友楊文茲北上文茲卒於都謨爲經理後事扶襯回里仕河南太康令有廉名致仕歸依然寒素平居言動不苟教授生徒以收放心爲急務設教崧山學者稱崧山先生

郭于蕃 字偉仲康熙辛酉副榜丁卯舉人仕丹稜



教諭丁丑成進士選翰林庶吉士改廣東饒平知縣  
負性剛方有智略居詞館時有語以私謁可致通顯  
者蕃謝之及宰饒平鋤強暴植善良利興害除一以  
撫綏為本上官嘉其廉能蕃卒不阿時會潮道某嫉  
蕃不附已以海洋巨盜案牽陷于蕃蕃揭之於朝事  
白某畏法自盡蕃亦罷職潮人惋惜立祠以祀之著  
有敦厚堂詩集

解組還里到家漫賦二律  
三十年間墜世塵而今剩  
得野人身痴頑至底終成  
悞泡影參來總未真幸有茅廬娛暮景敢希金橐羅  
鄉鄰扮榆笑我縹緲外不帶羊城貨一掃入門便覓  
舊羊裘鄰叟相存日對酬宦况終來疑黑海世情歷  
盡付虛舟桑麻自此堪同較簪組前茲茲悔失籌客路

敘州府志

卷三十四

人士

星

富順

向多蘭蕙侶爭  
如山友共青疇

周天任 字克亮康熙癸酉科舉人仕雲南河西縣  
令精於吏事設日行稿自省卒於官彼地士民為刊  
日行稿以傳知縣朱緇衣撰墓表

楊鴻基送周克亮赴都謁選序

乙酉之歲徵書下郡  
邑調集待銓諸君子

赴部受事周子名在列有司趣駕行有日戚友咸喜  
周子自此得行其志且不知何方當食其福而預為  
之慶也貧賤衰夫不能一造其廬申祖道意且不能  
如鄉長清之於公孫賢良脫冠履以奉亦無芻絲撲  
滿之遺惟竊附仁者贈言之義亦不暇遠引曲喻即  
以周子嘗為之一事還為周子勛蓋僕與周子生同  
里且有世誼則知周子之悉宜莫予若然非間相接  
居相望居恆常數稔不一面故周子之品端而學淹  
博固所素知至於尋常行誼則每得之同儕交游之  
日是僕之知周子之悉固不若同儕交游者知之之



悉也乃吾所謂周子所嘗為之一事則又非同儕交  
游者所知而余獨知之即周子所自為之而或自忘  
之者也夫周子自為之而自忘之而吾願舉為周子  
告之不幾務為強聒而言之贅乎蓋周子篤學彊記  
於書無所不讀而以其餘力旁及百家之學皆涉其  
淵源往年公車南還知其寓書於所親令吾蜀之  
巨邑者盛為延譽及相見相得甚驩不啻王吉之於  
長卿也即欲以多金為周子壽其時彼方欲更治廨  
宇坐間偶譚及青烏術見周子言有原委甚愜意即  
欲以改作請決周子欲資一言為重周子心念勞費  
且鉅未可以此病一方人因峻拒而謝之其事遂寢  
以是遂其意而去或尤周子何不少適其意而自失  
厚遺笑曰誠若子言我適其意則利在我而病在一  
邑今往其意則利在一邑而不足為我病孰得孰失  
且安往而不得為我哉余遊其地人士媿媿為我言  
吾見其德之深而懷之久也夫周子一不以自利為  
念而一方之德之深而懷之久如此假使富時適令  
之意以為己利則安知彼一方之不毒之深而怨之  
久乎夫有德於人不可不忘固君子之厚道然周子  
忘之而吾特舉而告之正不欲其忘之者要自有說

敘州府志

卷三十四

人士

富順

非強聒而言之贅也孟子曰人有不為而後可以有  
為李克論相謂窮觀其所不為貧觀其所不取則此  
一事容可目為小節而忘之耶周子此行將出宰百  
里由此而臺諫而鈞軸其共事不特如賓主者如此  
其適與注之得失又不僅如此因己之得失而致民  
之德怨尤不止於如此周子誠保此念而推之其成  
就之遠大又豈可量孔子曰三人行必有我師余謂  
周子不必師於人即以向之一念為法而凡反是者  
為戒則不待外  
求而有餘師矣

陳暘雯 字東起號果亭太史盟孫康熙乙未科進

士家貧力學仕廣東樂昌令清介不苟自號破愚子

著有破愚子集子歧康熙甲辰孝廉任貴筑知縣

李九華 字秀嶽爾振子康熙辛卯舉人性嚴正父

病寸步不離臥榻下侍湯藥衣帶不解半年父歿三



年不入臥內居常無笑容自製思親圖四幅每覽輒  
泣涕時設榻母室與諸弟同寢未仕卒

王昌仁 字沛斯康熙辛卯舉人仕東鄉教諭品嚴  
正終身足不履城市積學深邃尤喜造進後學鄉里  
重其行

華嶽靈 字山甫號西山幼穎異博覽羣書皆能成  
誦弱冠魁康熙庚子鄉試任湖南安化知縣清廉勤  
慎巡撫蔣深器之調華容遇事精明一時積案俱清  
丁內艱歸依然寒素傷母病未能親調以憂卒

以上段縣志鄉賢下

敘州府志

卷三十四

人士

五

富順

宋劉孝誠 事親至孝親亡廬居墓側哭泣頓絕朝夕  
無怠有芝草生墓傍李見紀其行於雁塔

李夔 字虞卿父母葬廬於墓側有白兔白鳥馴  
致之祥

余必華 字尚綱性孝友博覽古書每以修身立倫  
為子弟勸甯宗開禧年間弟必顯不羈觸法坐棄市  
以無子深自慟悔必華私謂妻徐氏曰弟抱恨死殊  
不堪吾將代之徐泣允必顯覺力阻之必華鋼顯於  
別室詣官所就刑迫必顯得脫請囚已不及矣號泣  
負屍以葬之



明黃璿 字公瑾年十二祖母病渴思螺湯時天寒冰凍家人遍求不得璿往田中忽於冰底得螺四十枚持歸作湯以進祖病愈後璿於永樂乙未成進士歷官中外致仕歸築室錫溪以奉母母歿廬於墓芝草生瑩尚書夏元吉都御史顧左祭酒李時勉胡儼等有詩美之

甘志高 養母陳氏以孝聞永樂甲午母年九十二終朝夕哭踊頓絕方甦七日始啜粥飲水不進鹽味營葬四里坎廬於墓側負土成墳泣血三年不離墓所及終喪行掃祭之禮然後歸時年六十矣以疾卒

敘州府志

卷三十四

人士

吳

富順

於家人忠義祠

鄒玉 字仰珍正統中入粟助邊撫永甯衛所鎮撫後累陞撫軍前衛指揮僉事

黃必高 荒歲賑饑焚負券數百紙

李繼宗 性寬厚嘗獲竊粟者曰彼窘於饑爲此吾不能賑忍置於法乎釋之入忠義祠

何文富 貯穀濟貧居臨大道每烹茗及饋粥以給行者鄉人舉於官以爲鄉正

吳可賓 縣學生員值荒歉收養遺孩五十餘人歲熟各還其家



張冕 字時貴貢生任照磨性謹厚尤篤友愛里黨稱之

周安 字正義 周甯 字正禮 明宏治中知縣周熊誌略曰二公皓首同居百口一門永無閒言和氣致祥田舍生連幹梨一株瑞竹一竿高五尺許分作二竿麥生二三穗者四五本池蓮開並頭花者三知縣邱齊雲贊曰百口一堂和氣致祥竹梨荷麥穗幹奇特公藝之風誦說未終入忠義祠

錢金定 字國容號松坪多隱德南沙熊過撰墓誌略云隱君雅尚高潔不樂仕進平生善行多端功德

敘州府志

卷三十四

人士

望

富順

尤著三值年饑共發貯穀二千八百餘斛以全生命又云錢氏自省一入蜀來世世殷富然尚樸素隱君始出經教子弟故後登科甲名盛一時等語孫節用隆慶辛未進士曾孫夢臯萬曆己丑進士仕刑科給事中祀鄉賢夢曾甲戌進士夢夔丙子舉人

劉朝海 字會山年五十登宏治壬子鄉薦傷母魏氏拾禾教子之苦未及見已成名遂歸墓終身不忍遠仕亦不受子用中誥封遺命以孝廉禮葬

閻健 行誼篤厚孝事二親父病嘗到股救之及歿廬於墓所且能卻產歸宗蠲業貽族上閭里調停



之議均驛傳徭役之條皆鑿鑿可行屢經縣令嘉勸  
甘化霖 字公育爲霖弟嘉靖辛卯舉人平易方正  
有古君子風授萬縣知縣堅乞終養尋卒

劉以真 性好施值歉歲散穀於人不責償得全活  
者亦眾

史仲安 性慷慨有經過遺孤名回保者憐收養之  
後訪爲馬湖人其家宗祀已絕出貲婚娶遣歸又舊  
識陳仲良遺女無託備妝嫁宜賓人任紹義龍市鄉  
有孤女名萬觀音父母早亡收養長成貲遣爲人妻  
平生好施類此入忠義祠

敘州府志

卷三十四

人士

四

富順

曹承熙 歲饑積粟周貧不能償者皆無所責入忠  
義祠

胡志海 性好扶艱力不及者率無所靳嘗取積金  
積書積陰德數語訓誡子孫其子深登景泰辛未進  
士入仕戶部主事有節概人謂積德之報入忠義祠  
劉福壽 爲人謹厚曾拾遺金二百坐待失主結還  
早卒妻魏氏守節奉勅建坊子朝海宏治壬子舉人  
孫用中丙辰進士登科第者累葉不替咸稱善報不  
爽云

黃欽 字敬之嘉慶戊子荒旱賑穀一千石都御



史唐鳳儀題奏授敘南衛指揮使入忠義祠

余 爵 字廷祿養母以孝聞卒哀毀踰禮寢苦塊  
酒葷不入口盛暑不持扇蓋朔奠以常儀有鼠在棺  
嚙擾爵驚懼具衰經哭於柩前次日鼠斃泣處田禾  
有一莖五穗之祥及葬廬三年後致羸疾卒入忠義  
祠

劉懋和 字保之潛孫崇禎貢生授行人奉母盡孝  
工詞賦邑稱久行兼優弟懋能亦工詩其秋日山中  
卽事詩云山深閉戶客來疎谷口歸雲擁敝廬烏宿  
暗聞山果落鹿眠驚起野春初夕陽扶杖聽流水午

敘州府志

卷三十四

人士

完

富順

夜烹泉點素書但放詩思容自瘦不因秋雨病相如  
可想見其人

劉 棕 邑廩生用中子讀書修行鄉族推重子二  
承諷進士官至廣東參政承諷廩生承許孝廉北直  
靈壽縣知縣承諫厚重以子之龍貴封通奉大夫邑  
中推重其行

郭繼隆 字思道由瀘州庠入太學歲凶出穀平糶  
施藥餽義棺建義塚五百餘榔修鎖江橋振鱗橋以  
利行人因建義助征奢賊功授敘南衛指揮僉事准  
世襲以子運暄貴加贈武威將軍



黃輔余 釗 鞠勝茂 彭德真 金珠

吳誠 李政 歐時用 八人各輸穀千石入

預備倉明正統間知縣李真聞奏勅獎諭旌為義民

黃貫 字一之由貢生任主簿有政績歸老日以

齒德見重於鄉卒年九十

黃斗南 王大賓 二人各輸穀千石備荒有司奏

表建坊獎其義

余友亮 汪志鑾 唐大湖 宋傳 各輸穀千

石賑貸

錢生輝 明末歲貢生歷任貴州龍泉縣父絃科歿

敘州府志 卷三十四

人士

辛

富順

母周氏孀居生輝奉養盡職遭亂負母登山備歷辛

苦母亡哀慟幾殞朝夕坐臥苦次事之如生年八十

懷慕二親不置祀忠義祠

國朝向玉階

郡庠生康熙二年山賊肆寇玉階居自流

井扶父母逃避他處母張氏迷路不知所往玉階號

泣遍尋三年始得母骸哀慟瘞之嗣是絕酒葷居常

無喜色祀鄉賢祠

李如蓮 字含睿明末流賊屠縣父母不知死所每

遇寒食清明見人家墓祭即閉戶不食屢致狂疾家

頗富饒因未能致養時行施舍捐修鳳凰橋以承親



志

趙隆 康熙甲子科武舉母病割股和藥以進母病痊子世臣中癸酉武舉

陳登魁 字逢元康熙甲子科武舉英偉有智略里人趙應選為流賊所擄遇登魁得脫收養之後趙姓繁衍奉祀之不衰登魁雖武弁恂恂如書生嘗終年閉戶抄習經書與胞兄愈泰同居至老無間言

汪瓊 字子琢歲貢生兄弟九人瓊最長父母歿撫諸弟隨其職業各有成就嘗作自痛吟以致慕思唐琛 事繼母能盡子職族黨稱之

敘州府志

卷三十四

人士

至

富順

劉炎 廩生少失恃事繼母以孝聞母疾侍湯藥不懈諸弟皆為所化邑令俞起運保舉優行

吳君美 自幼以孝聞鄉里父母在日從不遠行晨昏冬夏視寒煖奉服食歷終身不衰父母多病恐為庸醫所誤因習醫後親病亦瘳

錢萬選 字雨金武庠生喜施濟歲荒捐蓮池橋莊內租穀三百二十石周濟貧困里人稱之

萬惇 字厚菴性友愛胞兄愷卒撫三姪成名值疫三姪俱亡姪孫相欒等皆幼惇移居姪處經紀其喪葬婚嫁十六年及相等成立乃歸時鄰人江姓有



縱牛躪其姪禾者姪欲與爭惇不許爲擇牧地時其  
水草歸之日以爲常鄰人感謝自謹鄉里沐其行亦  
少爭奪者

王 玘 字爾修事繼母能孝家貧作篆書以爲養  
吏滿赴京考職至龍泉驛遇解課銀者因早行遺銀  
五十二兩玘拾之坐待黎明遺銀者尋至欲自盡遂  
還之至河南有人負糧欲鬻妻以償者相對泣別玘  
詢之爲出銀贖還授八品以親老不仕卒年九十二  
子升冕邑庠生親歿廬墓以孝聞

李天祚 字若實性和易嘗構新室將成鄰人謂室  
中有井眼欲報課開鑿其子謀訟官天祚止之令其  
徧尋新室中竟無井眼可據不與較也胞兄早歿撫  
胞姪煦中康熙丁酉舉人仕河南滎陽令

李九文 字盈章歲貢生有至性居親喪不作佛事  
儀節一準家禮葬後寢於靈側朝夕哭奠小祥乃歸  
同懷兄弟五人皆先卒教諸姪有法倣柳氏小齋每  
夜聚一書室詢日中所爲事諸姪屏息受訓誠歲以  
爲常故姪等多登科第入成均彬彬守禮性爽直能  
面折人是非人皆諒其無曲里族中有誦諱率來質  
成隨感悅以去卒年九十九子芝戊辰科進士仕湖



北宜都令

蔡兆鯤 字漢冲歲貢生事母張氏以孝聞母歿廬墓側朝夕奠泣閱半載未嘗離時胞兄兆鵬患肺病兆鯤移居共室藥餌必親炙痰穢必親洗半年兆鵬卒哀毀如親喪乾隆元年檄召訓導職口占一聯云已屢風木悲深慙捧檄如毛義漸悟圖書妙敢謂窮經學紹雍不仕卒年七十六

王儀 字簡臣貢生持身以禮晚尤好學兵燹後邑中文獻無徵儀手抄縣志六卷藏於家往事得借以傳

敘州府志

卷三十四

人士

三

富順

龍文遠 父病篤哀痛無計割股和藥進父病以愈好施與遇孤貧尤多賑恤子清歲貢生苦志力學次子溢母病亦割股救之得愈

王孟芳 字鄰軻歲貢生父母歿哀毀骨立與三弟終身同居睦族和鄰人推長者

郭興讓 字升如廩生多聞強記性友愛父于蕃宦歸清貧所遺產悉讓兄弟時論高之

王注仁 字挹東廩膳生祖母尤氏苦節晚年多病凡衣被厠器必親注仁手家貧脫粟處之淡然至奉母必致豐潔胞弟有過流涕婉諭時責己子以誠之



子樾義中乾隆戊子科舉人

方文秀 字明斯母病危割股以進得愈

王朝用 字薦昇事兄嫂嚴敬如父母財產多寡不

分教姪植舉康熙庚子孝廉任錦屏縣令

董安全 割股救母朱氏

李祖暉 縣庠生幼失怙母周氏多病割股二次母

歿廬於親墓朝夕啼哭兩目俱瞽數年卒於墓側

李 莊 字敬臨二歲失母鞠於老婦王氏後王氏

歿莊為服喪期年繼母姚氏性褊急莊委曲順承後

姚氏愛如己出教胞弟莢異於常人莢早卒無子為

絳州府志

卷三十四

人士

善

富順  
川卅八

立繼長養教誨如己所生能為詩古文因養母教弟

未罄所蘊卒年五十八

汪 琳 字獻之邑廩庠居家孝友賦性和平優於

制藝倡首請增縣學八名為十二名校修本邑志乘

纂入通志督工重葺明倫堂邑侯錢經紳重其孝友

贈以亦政堂匾額子天潢天河天海天湖俱入縣庠

人以為增學之報

榮天佑 事親甚謹年二十時母周氏病革沐浴禱

祝割股以進母病旋愈

並舊縣志

以上段縣志孝義



明郭之翰 明貢生任貴筑知縣縣志遵義府志引遵

義詩鈔字羽生四川富順人遷居遵義永歷時官貴

州獨山州知州工詩畫善草隸所存片紙隻字得者

珍之新補

國朝萬世緯 字襄文康熙己酉舉人庚戌進士任獨山

州知州善古文辭雖歷仕途嘗力學不倦

阮 鑽 工書法能詩

按鑽字時溪宜賓選貢蓋明末隨父振中避難敘

南遂入宜賓籍康熙中與修府志

避兵崖上歸家路隔天涯信不傳山高日夕照無邊歸來靈鶴一千載鑄就銅人五百年

敘州府志 卷三十四 人士 富順

已見宿樓堆瓦礫誰從新塚問絲絃感遇曹階文詩

蕭然世外貧無慮風送花香正好眠感遇曹階文詩

睡起繩牀日既曛為花間酒意勤勤鷓鴣聲盡二三春

雨驟裏蹠輕萬里雲幽夢自來何待醉疎懷出草愧

稱文人生但欲多年壽江左謝公孰不聞

范 璐 字與石司馬鑽子康熙壬子鄉試第三博

學能文直吳逆取士雲南璐不應試仕宜君縣令著

有葛山詩集

咏巴江柳三首蚤是春之半鶯鶯尚不來莫緣前日憾遂中隔年猜別緒驪歌促歸鞭曉

析催何知城北郭竟築望鄉臺之子莫相送依依人

可憐多年芳草路幾日豔陽天隄上風吹笛江邊月

繫船馬蹠隨記取踏破少城煙夾道來車騎臨歧可

勝情魚响春點點蛙泛雨聲聲上使端相重大夫從

此行橋南人萬新城王士正中秋後得富順范生嘉

里何處不懸旌



州帥生書知其陷賊不辱偽命遂有是作

幾載豺狼橫巴蜀今

朝書尺慰相思天彭井絡欣無恙伏劍伴狂更不疑會見費貽徵合浦何妨甄濟動京師汝曹識字知忠孝一笑南樓倒接羅

楊汝愚 字智可鴻基子康熙庚午鄉試第五有異

才為諸生名震蜀中早亡

張翔鳳 字鳴岡號南野康熙辛未進士選翰林庶

吉士歷吏部文選司考功郎中典試廣東時稱得士

終建甯知府

聶正達 縣諸生好學強記有文名早卒未終其志

士林惜之

敘州府志

卷三十四

人士

五

富順

周 祀 字龍門康熙年間貢生性恢濶博學強記

古文詩歌隨興立就不自收檢著述多不傳

答友

兩日纔溪任殊慚鷗鷺羣兒曹新畢債世事舊層雲不有眼簪盍安知砥道分埋名吾計決何

法斷 送人從軍

負羽頻年出塞勞驚聞猿臂震江臯劔花淬鷓兼霜白弓影愁狼與月高

幕動朔風隨馬尾幟干青漢藉龍韜 湖樓逸社

社結湖樓

監儒空復譚經史起舞尊前看寶刀 湖樓逸社 湖樓

逼漢邊樓頭頻列水晶仙朝霞入筆詩裁錦夜霧橫霄賦瀉泉閒佩奚囊穿綠竹漫飄輕裙襲香蓮何年生羽飛姑射為伴冰姿抱月眠

張 斌 字燦然康熙辛卯舉人家貧力學通五經

未仕卒

李九霞 字飲仙爾振子康熙甲午副榜仕巴縣教



諭幼穎異讀書不事咕嚕輒曉大旨工詩洒翰立成性尤剛直爲教諭時郡守張欲取諸生陳某賂未遂移牒學中取該生入學年分九霞難之旁觀謂守素驕貴不送申恐禍不測九霞究堅執不允守因他事卸任遂寢後守顧贄重其學品保舉卓薦旋卒著有卓山詩文二集

王渾仁 字渙如康熙丁酉舉人歷任雲南太和江西泰和玉山縣所至有聲工吟咏

萬炳 字蔚文雍正壬子舉人年十二父母卒貧依舅氏發憤自勵夜讀不就寢工制藝每試冠諸生

敘州府志

卷三十四

人士

七

富順

川下

痛父母早逝歲時祭祀輒涕泣終身不改性狷介嘗從學政周人驥閱文詳慎不苟一無所瞻徇周愈重其學品講學吉公山登科甲者多出其門胞弟赤己酉舉人子象和乾隆辛酉舉人

晏 昭 字玉美號輝山乾隆戊午鄉試第五戊辰科進士選翰林庶吉士任編修苦志力學嘗居山寺中冥悟潛摻歷寒暑不倦既通籍年未四十卒時論

惜之

並舊縣志

以上段縣志文苑

王 植 字樹三雍正丁未明通進士任灌縣教諭



督修文廟及明倫堂後選貴州錦屏知縣捐俸開修河道又勸民多種杉木茶油等樹民仰其利卒之日民咸悼之

按縣志原有唐德一傳詳隆昌志不重錄

鄧家燕 乾隆甲子舉人任湖南興甯知縣有賢聲大吏廉其良調保靖靖故苗疆素稱難治因立義學建書院以教之又刊發爲儒自重訓及戒訟文警除積習宰靖十餘年囹圄空虛加通判銜旋以疾卒於官

張愈顯 字麗天號印亭乾隆丙子舉人品行端方

敘州府志

卷三十四

人士

張

富順

川名

學問淵博邑侯熊延掌江陽書院一時出門下登賢書列成均黌序者百數十人後任江西餘干知縣清慎自持遇旱禱雨輒應大吏將以廉能陞適病卒士民惜之

劉 俸 由行伍出身乾隆丙申以平定金川功授夔州協副將遷松潘鎮總兵子世榮廕千總終綏定游擊

朱 偓 字佑佺庚戌進士初宰巴陵有政聲屢遷長沙知府屬邑湘潭爲楚繁區貿易素多豫人舊與楚人有隙以事釀爭幾致大變湘撫欲發兵偓力持



不可卽單騎渡湘爲解釋之

朝廷發欽差勘問以僱力爭罪祇首決三人保全生靈甚眾解任去楚民挽留不得立祠祀之歸處林下淡泊明志己亥重宴鹿鳴胞姪墳亦是科領鄉選子圻堅均仕進清正自守時論高之

按選舉志係興文籍

朱 佶 字吉人乾隆丁酉由興文學拔貢中本科舉人性嚴正仕山西甯武令清操幹局上游器重未幾卒於官未竟其用時論惜之

張德榮 字容大乾隆己亥舉人賦性豪爽遇事敢爲邑中有義舉不惜身爲之倡其教人先德行故多

敘州府志

卷三十四

人士

五

富順

所成就著有雲衢文集未仕卒子震己巳進士任山東曲阜令

榮文毅 丁酉拔貢善誘後進品尤端粹雖耄年敬德不衰

王循禮 乾隆庚子舉人繩趨矩步力挽奢靡之風

黃靖圖 號定湖乾隆丙午舉人秉性端嚴沉酣經

史後學宗之道光年間知縣宋廷禎延聘纂修富順志

歐文選 丙午舉人學業邃深爲文有正嘉遺範

劉 匡 字正夫乾隆己酉科副榜江油教諭陞龍



安府教授才氣高邁目下數行時有蜀中小才子之稱

朱 惋 號東軒乾隆甲寅舉人嘉慶初應直言

詔條陳軍務 召 對稱 旨 賜同進士出身辭不受後

以大挑任江西石城萬年永豐安義安福知縣解任  
士民列惠政十二條請祀江西名宦祠復爲刊安成

輿頌二書

朱 圻 字安仲幼穎悟博涉經史年二十二登賢  
書文名爲蜀南冠先是圻父偓己亥鄉榜名列十三  
道光辛巳正考官其鄉舉亦十三名圻中式適符其

敘州府志

卷三十四

人士

本

富順

數時人謂之和凝衣鉢云旋授樂至教諭以親老辭  
賦閒里居端方自守步履維嚴手一編未嘗釋至今  
文字尙膾炙人口子鏞成廩生

朱 堅 號石友偓季子道光己丑進士性端敏任  
刑曹十餘年讞獄持平擢御史有清節兼則例館纂  
修官後居林下自抄四書詩書易數經闔門養重士  
論高之

朱 基 字樹卿侃次子博學多才工楷法年十二  
入試輒冠軍勸校吳樹樑學使幕凡數年屢困名場  
好學不倦以優貢中道光乙未北闈榜年四十歿於



京

朱 塤 字海航丁酉拔貢己亥舉人工小楷賦性仁慈好成人之美濟困扶危厚德僅見

朱鑑成 字眉君性耽經史學使何紹基重其品延入幕繼從川督黃宗漢京兆尹幕中條陳救荒策悉協時宜每作詩古文詞皆關當世利弊宗漢視師東粵上書請據上游由兩湖提兵東下有古人衣錦夜行必不爲節下所取之語弗聽旋歸獲鄉選任中書舍人卒於官著有春華苟美拂珊諸集行世厥兄鉅成以舉人任廣東文昌知縣性耿介博聞強記爲時

敘州府志

卷三十四

人士

空

富順

所重 按以上六人俱係興文籍

蕭濬藩 字价人號屏侯同治壬戌進士幼有至性六歲時母病恆依側不去長好學經史外凡秘書內經罔弗究爲文清矯拔俗弱冠補弟子員旋食餼擬就試北闈入貲爲戶部主事道光丙午領順天鄉薦同治壬戌成進士仍授原官在京師惟與范泰衡秦亨昆仲黃彭年華國清顧嘉衡趙樹吉諸人以文章道義相切劘趙故廉介不受人餽遺獨於藩貲貲覓飲若王修齡祇向謝仁祖索食旋以部曹簡寂無能有爲改官同知入黔隨營出力十二年克復黃平清



平諸州縣 賞戴花翎八月調充本科癸酉鄉試同

考官得士陳夔麟鄧維祺等十七人中有貧儒蘇錦

江悲無贄轉贈數十金十三年權知綏陽縣興利除

弊潔己愛民光緒元年黔省肅清以前克復安南普

安等城功升知府加道銜在黔兩司權局薪水外一

無沾潤旅用不足咸取於家素精歧黃恆蓄珍品不

惟以政濟人且以醫濟人石阡府缺出輪推補授未

赴任卒於遵義權關子三培煥附生林森廩生培淦

附生孫五皆業儒能世其家節鄭德暉家傳按濬潘珙縣籍

蕭 鏞 字雲笙同治甲戌進士初由雷波廳廩生

敘州府志 卷三十四 人士 富順

遵例捐教諭居下東童家寺日擊時艱留心團務卽

築砦日夜訓練家丁及佃戶子弟咸豐九年滇匪擾

敘十年五月遂竄至富邑鏞軍械備具登砦固守堅

壁清野賊不敢近後屢奉縣札道札總督札四出應

援歷敗賊於綫壩子趙四山黃崖口銀蛇溪天洋坪

自流井等處賊畏其嚴無敢敵者最著石灰溪一戰

殺賊至五千餘人擒偽都統王端頻年勇費積欠至

八千餘金事平散勇至賣田產淡如也議功以知縣

用心堅報効同治四年復加捐郎中簽分工部營膳

司癸酉科中順天鄉試舉人甲戌科會試成進士光



緒四年捐升雲南知府七年署普洱府卒於任

蕭世本 字廉甫同治癸亥進士性清敏幼讀范文正公集抗志希古咸豐丙辰遊庠戊午領鄉薦庚申會試歸值滇匪亂蜀佐藩司劉擒李逆於龍孔場敘獎辭不受癸亥成進士選庶常乙丑散館用主事分刑部留心則例手輯秋審事宜四卷己巳改官直隸知縣庚午署天津縣民教滋事辦理平允曾國藩李鴻章合詞入告補實授督修單街隄工三汊河口上游舊傳老龍窟宅無敢議修者比深掘不得底告河神以文一夕而浮泥遂堅丁丑津苦旱蝗躬督捕治

敘州府志

卷三十四

人士

奎

富順

卷十二

捐貲購蝗以代賑一日以文禱劉猛將軍廟有盡驅東海之語夕風雨大作飛蝗悉溺海死調署蔚州賭風甚熾訪巨姓某置之法風遂寢蔚州古邊地爲立節孝碑捐貲建恤養社爲人心風俗勸復稟懇奏復宣化府巨字號舉額己卯調任清苑夏旱秋潦力籌拯救升補遵化州未赴任丁母憂服除仍歸直隸以知府用大府素重差務輒兼數局力任勞怨海運出力以道員用加二品銜甲申署廣平府是歲川南大饑富邑尤甚稟懇借撥賑局三千金復捐集巨款寄回助賑故所全較他縣爲多丙戌代理天津府調署



正定府丁亥積勞成疾四月在任卒以上三人並新採

袁汝相 號傳岩嘉慶辛酉拔貢鑲藍旗教習從軍

粵西事平授貴州安南知縣民困以蘇安南偏僻殺人輒焚其尸汝相為嚴保伍之坐凶俗以除擢水城廳通判

廖元璋 號達軒嘉慶甲子科副榜授徒邑之東山寺凡三十年遊其門者歲百餘人俊髦多所造就

張震 號竹亭德榮子嘉慶甲子舉人己丑進士任山東曲阜知縣解組歸田善誘後進著有愛竹山房文稿及試帖詩行世

敘州府志 卷三十四 人士 富順

王廷渠 號鑑塘嘉慶癸酉舉人天資孝友文藝優

瞻後學多所裁成仕中江教諭夾江李炳奎銘其墓曰人倫模楷藝苑君宗德盛禮恭行芳志潔子紹棻歲貢生

王朝贊 號竹坪道光壬午登鄉薦近五十年足不履城市時論高之

羅文玉 號輝山以廩生成均篤志勵行為時所重李司業惺見之曰子吾鄉之黃叔度也尤工詩五言如石蒸雲氣出荷送雨聲來七言如狂到次公何必酒病如沈約尙耽詩皆為人傳誦孫垓廩生



朱山斗 歲貢以孝友見重於鄉

廖克明 號峻亭歲貢生持正不阿學校祀典義渡事宜悉為集益

劉子章 號郁堂恩貢生少孤貧讀書積學後學師之為文皆恪守律度

龍瑞 號伯雨廩貢生咸豐初年廣西討髮逆從征有功授湖北通山知縣慈惠愛人遇賊警守禦獲安堵後署棗陽卒於任

林致澤 號桂亭庠生生平遵守祖範善誘後學子以椿邛州學正以樟丁酉選拔以桓歲貢孫和泰廩

敘州府志 卷三十四 人士

富順 川

生

田時若 增生孝友端謹任城邑公務矢慎矢勤齋志以及輿論惜之並新縣志

以上縣志附增人物

李芝 字瑞五號吉山乾隆戊辰進士初任山東招遠知縣繼任湖北宜都知縣工詩文五言如亂水晴邊渡夕陽雨外山水搜崖脚瘦烟壓樹頭平古驛路旁路夕陽山後山地濶天垂草江長樹入雲綠睡鶯邊柳紅酣燕外花夕陽山以外客夢水之涯月痕穿酒白煙氣入空無微風將短棹細雨過長湖鶴語



松煙白龍吟海氣青月明人在水風過樹先秋野店  
收殘雨漁歌帶夕陽十字三义口一年兩度過皆平  
淡清遠漸近自然再爲縣令兩袖清風自楚歸仍講  
學爲業一時登科甲者多出其門又嘗佐段玉裁修  
富順縣志著有俟秋吟詩二卷鴻爪集詩二卷賢已  
堂文集四卷職思齋課稿十二卷學者稱爲吉山先  
生

榮天寵 字承菴乾隆乙酉拔貢工古文詞其古逸  
疎爽出入漢唐諸大家考據亦精晚年以疾失明每  
人乞文輒口授使人書之有大家風度言古文者宗

敘州府志

卷三十四

人士

奕

富順  
川又

焉

王廷弼 號昔庭乙卯進士純謹沈厚不染習俗工  
制藝根柢盤深不趨風氣卓然自爲一子困蹟名場

晚登科甲益信文章有價云

並新  
縣志

以上縣志附增文苑

朱子範 名珂以字行邑諸生性孝友好濟貧苦施  
與若忘人號所居爲親仁里子振新廩貢生承父志  
益篤於行邑中有義舉必身爲之倡孫曾科名甚盛  
人以爲積善之報云

史繼烈 本姓張承史燦斗嗣捐腴田一百二十畝



爲文昌宮焚獻又捐修毘盧寺有善人之日子元碧  
邑庠元孫德榮舉人德榮子震進士鼎附貢

宋魯泉 通志富順人於瀾岩造舟濟人復捐金修

造白骨亭歲饑指困賑濟新補

陳 瑜 字瑕章郡庠生居心孝友親疾廢寢忘飧

不解衣帶者三月親歿廬墓晝夜悲號弟兄五人恭

友至老不衰與人晉接極和藹鄉鄰咸稱樂易

陳明考 通志嘗捐百餘金修雙鳳橋復置祀田新補

朱銀河 字漢章事親得歡心處兄弟間毫無計較

姊適陳世卿夫歿子幼河爲謀薪水成姊之志堂弟

敘州府志 卷三十四 人士

富順

銀澗早卒遺孤二歲河撫姪成立孫斗南戊辰領鄉

薦旋成進士瑛涂邑庠生

方 珏 邑貢生幼失恃事父和婉以舌耕備甘旨

事繼母如所生撫兩弟尤敦友愛生平衣冠不苟端

重方嚴人咸敬仰

王樞義 字師虞號歷亭注仁子十六歲父母相繼

歿事繼母宋氏如所生與弟據義尤相友愛戊子領

鄉薦任涪州學正

李永儒 樂善好施乾隆二年捐造渡船一隻於賈

家渡十一年助修永濟橋又助修萬壽橋至助修寺



觀及施棺木湯藥一切義舉未可悉數

舒翔鳳 邑庠生性喜施與雍正六年捐修南鄉雙全橋一座又修童家溪留仙橋又施黃葛渡船一隻歲給渡夫口食子所敬貢生乾隆八年捐修石灰溪大拱橋一座咸稱父子繼美

張耀吉 純良樸實每濟貧困不形德色乾隆十六年因附近石龍河偶溺一人遂捐金百餘爲倡募修捲洞石橋一座人甚便之

楊世鑛 勇於尙義捐銀一千兩修永濟橋係榮威富三邑要道

敘州府志

卷三十四

人士

突

富順

杜如楠 賦性純樸事親以孝嚴課弟姪俱列膠庠好善樂施寺觀橋渡每多捐助又將沙灣地寬長數百丈捨作義塚人咸德之

陳在政 篤友愛伯父世榮早卒貧無嗣迎養伯母姜氏二十餘年好義舉近里高灘水極險乾隆壬子捐金修平石橋十餘洞

朱侃 字毅菴由興文學拔貢性濶達慷慨好施予例用教諭不就丁母憂致客數郡中壽遂歿邑令陸一再祭奠涕不自禁蒙惠者尤痛悼子基墳皆舉人城歲貢孫彥成庠生憲成拔貢任工部員外



陳仕銓 通志家貧以遺業讓諸弟而獨販於市親

歿喪葬如禮嗣修宗祠置祭田又捐修永安橋子和

聞嘗捐三百金修陳家橋不能婚葬者輒助之新補

張拱北 郡庠生性孝友父母有疾親侍湯藥衣不

解帶者數月及歿廬墓三載待弟友愛甚篤子有觀

有光俱庠生並新縣志

以上縣志附增孝義

汪 珏 字明之早孤業儒孝友聞於閭里邑令錢

贈亦政堂匾額二世同居經營家計無私財入己殮

埋義塚白骨凡數百街居鄰有被回祿者捐貲二百

敘州府志 卷三十四 人士

餘緝賑之子孫繁衍多列膠庠

高大中 字鳴崗性純孝母有疾侍湯藥數月不解

衣帶遍禱羣神封股療之旋愈及卒哀毀終制晚登

耆壽

蔡元陵 由舉人任直隸安州知州父為鼎邑諸生

老猶嗜學元陵刊其詩文名心瑩集以博親歡子鏗

主簿孫芳廩貢

朱 墀 號楓橋廩貢母歿依宿殯屋數年朝夕進

膳孺慕如存日待諸弟友愛逾常其矜孤恤寡好善

樂施本自性成遇有忿爭輒排解之鄉里為之一化

堯 富順



人稱其所居曰歸仁里

王煥禮 與兄析居後家漸小康二姪益貧煥禮憐而合之稍裕倏議分分復窘仍合之居數年始議析齟務既羸姪更請以豐者畀已許之尤以沃者翼其經紀勉其子敦善行族黨稱之

陳新斗 親好佛嘗三至峩眉新斗力負以登歿時囑建觀音廟新斗不惜鉅費竟償親志

鄒肇麟 幼貧昆季三人年十三爲至戚某攜同次弟往屏山爲人傭歲饑相失越數載復遇次弟於富南地界攜回依親誼家使習微藝以自給次弟歿復訪幼弟得之贖歸爲授室購田廬子兆蘭領丁卯鄉薦祥基廩生

金以鑰 字德山孝慈誠篤粹然無疵舉人歐文選稱其厚德載福子八人鳴鶴鳴和增生鳴豫廩生鳴鴻舉人孫二十四人文選臺選桂選增生粹選成都府訓導曾元列膠庠食餼十三人五世同居丁男百餘門庭和順壽八十有四

並新縣志

以上縣志附增孝友

羅象賢 與弟象貴於乾隆五十一年捐米八千石救活饑民無算總督勒保以義篤枌榆四字旌其門



楊恆廣 應童試時路拾郭姓遺金二百兩概還之  
幼孤依胞叔字成立後養其叔至歿族親爭訟力爲  
排解孫燿嵩明州吏目曾孫鈞辛未進士湖北同知  
雷春茂 邑東關江漲時爭渡者每致覆溺春茂偕  
諸紳耆措款多造船隻以利濟之子起霖廩生孫正  
溶甲子舉人

張和賡 字希陶郡庠生耄年好學不倦道光甲午  
歲饑捐錢六百餘緡助粥廠賑濟復捐建錢家溪畔  
大橋子興文由文生任貞豐州同

王國才 多善行征金川時輸軍米三百石歲饑捐  
米濟貧先後約千餘石總督阿桂以尙義可風表其  
閭子之衡監生之爵之言之緯均武庠孫美德美鰲  
均武舉美紳美庸均守備曾孫博施副指揮

楊 銓 捐修下北義順橋

王余照 援例道員以邑東北牛佛渡來往殷繁措  
款造舟永爲利涉

蕭永昇 例貢生改建富邑聖廟捐錢三萬緡有奇  
子承賦西昌教諭承授副榜孫鏞進士戶部郎中  
陳天申 州同多善行好讀書年八十餘猶手不釋

卷



楊好禮 敬重師儒家貧誠款不倦寒士每藉爲居  
停後嗣陟巍科人謂愛士之報

郭 森 文生偕邱成封汪映濤歐陽偉等設東關  
義渡船八隻以便往來

林文明 內修實行耕讀傳家子孫均列膠庠壽九  
十有四

陳文林 乾隆間歲荒施米數十石邑令王給義質  
仁心匾額子善書教諭孫遇川武生曾孫三俱庠生  
金元德 捐錢一萬四千餘緡創修濟元礮知縣羅  
廷權題其坊額曰世德作求

敘州府志

卷三十四

人士

七

富順

王仕俊 同知捐金二千兩創修永安礮

顏昌英 號鶴齡孝友性成敬禮師儒多濟人利物  
事費金鉅萬無吝容嘗修築三多寨捍衛井厰復修  
集生寨於威遠界保全凡數萬人

李振亨 號邃菴多義舉塾江李宮贊惺嘗稱美之  
子春霖文生例選道諸子列膠庠者蔚起

萬 綬 敬重師儒於上北李家寺倡立義學子擇  
中辛卯副榜必成甲俱文生

王培信 捐銀二千兩修大山舖永定橋同治甲子  
歲荒平糶措墊數千金捐穀一百石大府以情殷柔



梓四字表其閭

張太性 例貢生捐填社穀三十餘石邑侯羅公以  
尚義可風四字嘉之

劉繹書 同舉人朱圻廩貢朱擘等設義渡三並捐  
造船隻復營義塚四所子東堂癸卯舉人並新縣志

以上縣志附增行誼

楊元龍 永甯營外委乾隆三十六年隨征金川攻

甲金達陣亡 卹廕如例據通志補

歲貢胡世僖 舉人蔡伯達 增生符希晏

文生朱正陞 文生劉華璧 文生羅國安

敘州府志 卷三十四

人士



富順

監生蕭基潤 監生聶代漢 監生陳肇珍

監生易知 監生王余垞 監生毛音雄

監生毛雲漢 監生田澤遠 監生顧代廉

六品軍功杜炳南 八品軍功黃大隆 團正李向辰

從九易福田 六品軍功鍾德林 團首毛楨

從九王槐濱 六品軍功許海山 從九熊聘三

都司鄧占魁 知縣馬天富 同知謝其恩

張太乙 符天性 胡聯國 雷廷弼 羅登高

胡連智 章邦賢 何遠長 陳光炳 曾元佺

舒常吉 宋尙義 周順文 符心韶 李世科



李世禧 僧通極 楊有鵬 王世連 陳興順

張忠 曾天星 丁義榮 何元慶 何元福

鄧正榮 鄧中和 徐志欽 劉世振 蕭利珩

劉升晏 曹永貴 葉正興 向彥喜 倪遠勳

何遠富 馮謙禮 黃淑齡 王士福 黃懷第

胡正光 黃德洸 林占彪 楊玉盛 史貴

羅文金 周洪 符心田 甘相義 何遠震

黃懷潤 謝榮 李安清 黃昌模 夏國印

夏廷棟 黃懷玉 黃懷璋 詹樹芳 萬廷超

程永富 陳開啟 愈元端 曾良緒 游廷江

敘州府志 卷三十四 人士 富順

王鳳人 易光聆 葉亨鎔 易學綱 程元琳

張世鈺 吳幼子 甘本仁 周鳴岐 藍田璋

梁世順 符正心 龍立修 宋習遠 羅安聯

鄭幼子 范培啟 李世舉 李世俊 胡世龍

藍景純 張萬榜 甘天聰 范培先 張付元

郭文明 陳國然 葉占彪 鄒新鏞 喻均堂

蕭順德 蕭順綦 蕭順位 蕭基澍 蕭基渭

蕭基雙 蕭順遜 蕭順傑 蕭乾秀 蕭乾元

向忠信 游世材 周維喜 李科殿 李科貽

周思富 黃懷修 錢雙純 李正富 陳光文



陳忠佑 潘懷義 熊明珠 熊明聰 何仕官

喻才 李為福 黎應海 黎應達 黎應旺

余文鑑 龍幸玳 胡懷德 黃順三 黎學典

曾世洪 喻松桂 洪增福 邱玉才 朱材

熊明佐 符心紹 劉永貴 賀東山 梁元興

劉銘隆 鄧榮江 潘家亮 江家志 藍懷山

藍五合 鄧善啟 王開順 劉玉順 王升

張大綬 潘克旺 陳朝芳 熊萬蛟 王啟元

趙洪彪 杜炳南 伍萃一 徐南輝 伍秉璋

劉厚甫 田長興 李德盛 李興城 易彪

敘州府志 卷三十四 人士 富順

龔興發 王正先 蕭坤楷 梁二順 胡三春

胡占彪 鍾占彪 楊春聯 劉鶴年 張翼堂

楊志榮 宋承音 熊明佑 李應先 夏如春

吳東江 周占奎 熊安仁 雷遇春 王臣年

雷義文 劉有寬 周家修 鄭時發 何汝忠

劉文秀 何廷陞 龔永常 戴世坤 張廷華

龔永虔 張緒元 龔見田 楊詩彩 劉世祿

李國義 劉世正 鄧向榮 王佐 陳定喜

黃占彪 蘇正龍 黎正長 廖聯三 姜華二

任小樓 張博勇 余長發 長甲刀 黎丁三



張永川 羅志慶 允占魁 梁占鰲 劉啟明

劉清河 陳應松 郭金元 范占魁 劉象珍

艾夫頭 羅機匠 楊玉田 余順 吳昆

黃顯廷 劉大順 劉三洪 劉興 夏五泰

劉三投 柳渭華 余世泰 劉吉仁 周德化

張陽軒 李玉龍 唐玉田 劉草階 陳四興

鍾肇麟 鍾富元 劉明舉 劉五福 劉居仁

李永棋 劉建柄 劉建昭 劉萬陞 劉萬祿

柳正柄 劉洪映 楊廷玉 鄧義發 柳位華

劉三華 蕭寅 王恆山 王搏勇 蕭要辜

敘州府志 卷三十四 人士 富順

唐澤湘 唐澤涵 明德春 王天裕 藍自章

藍學棠 保晉 李洪玉 唐萬山

李占魁 趙聯陞 曾羅秀 洪興 戴定邦

衢占彪 王大旗 况丙子 李瓊第 鍊世仁

彭興紹 何安邦 楊洪興 李玉順 陳定國

黃興川 楊光品 劉德盛 謝定邦 鄔成龍

劉松山 周占彪 張文仲 羅定國 劉昆山

孝教習 陳體仁 陳陸年 曹喜明 鍾廷彪

劉玉龍 李占彪 李占雄 騰玉龍 張遠龍

徐占彪 歐德盛 楊正義 陳德勝 周元盛



米世玉 唐廷揚 孫洪貴 曹兆三 呂占魁

陳飛雄 龔占元 羅會同 周天喜 陳述樓

邱定平 崔定國 耿光鑾 吳雲崗 蕭起科

周定邦 張正鵬 王輔臣 黃在坤 周清

李洪興 滿占雄 何正奎 張榮儒 陳立懷

文仲年 孫洪順 游登元 彭占雄 劉坤

劉占彪 謝葵 鄒忠和 管機汎 楊盛邦

何肆 唐文典 羅安邦 孫肆 蔣永智

夏定寅 丁大旗 李永貴 賴朱爾 孫成貴

蘇占超 彭洪興 李標 張陞 陳貴

敘州府志 卷三十四 人士 富順

黃坤山 陳玉貴 李福林 王占雄 唐洪

劉占雄 范春 蒲彪 陳義先 馮長生

黎庚 王邀 王鍾琦 楊春 陳武

三玉壽 劉三重 戴榮 劉君元 馬開基

楊泰 何祥榮 葉榮 周太波 周永榜

賴仕榮 魏明玉 何砌 陳洪順 朱秉英

張國聰 張二仁 詹志順 戴光燿 戴光祥

王紹坤 戴楨 黨榮生 李仕卿 王四仕

蕭榮 蕭德達 陳邦貴 董明友 劉世才

黃顯亭 何貞一 李仕貴 謝洪泰 符正發



陳德三 傅雲步 彭光春 劉戊生 龔維重

龔維惠 龔亨禮 楊玉泰 鍾朝陽 范紹仁

周禮忠 彭德要 陳達亭 劉漢中 劉邀義

王三峯 劉候仁 曹長宗 曹長江 曹長書

鍾仕鳳 何裕體 劉正心 徐漆 鄭貴

熊大寅 張潤 林三順 熊大儒 劉新有

張陸平 黃榮仁 陳四興 曾開泰 李花元

賴四亨 賴四榮 甘大明 李壽喜 黃世發

彭大年 張翠金 劉三峯 李春亮 黃應年

黃知義 徐二順 楊正容 賴開山 鍾邀恩

敘州府志 卷三十四 人士 矣 富順

彭厚明 李仁恭 楊玉金 彭德望 曹興

王順亨 黃桂忠 陳達朝 沈墨齋 蕭萬榆

邱喜元 周三興 陳雙林 張家映 譚福喜

胡世龍 張馱保 楊邀福 周誠三 熊家准

羅星保 古元恩 王春一 顏子方 夏登元

胡玉壽 鄧顯仁 何光盛 賴光盛 簡朝霖

王明謨 劉世樑 蕭澤禎 曹永龍 鄧宗純

蕭盛昌 吳文學 黃大隆 黃隆三 黃壽元

王仕清 易成 劉明月 王喜 朱三元

趙玉順 胡淵明 捐毛衢雄 黃萬發 郭武科



黃正明 劉約 葉大林 高長壽 李三順

鄭道生 湯占彪 藍兆桂 蕭辛元 楊學賢

鄒淨靈 曾維星 何遠道 蹇祖 張世柏

黃天佑 張萬福 何承發 熊必達 李邀勳

周永珍 李正義 劉貞生 何正鎮 唐進忠

羅希章 魏貴元 僧崇山 熊正春 張達順

郭玉順 王集盛 瞿棫 馬亨達 何維金

方涂廷 林啟富 張正純 李正隆 蕭岱容

楊朝金 盧光卿 王銀禮 胡國成 曾維和

劉元達 劉金耀 楊第楨 李邀榮 唐廣興

敘州府志 卷三十四 人士 富順

彭鴻兆 楊光第 傅玉珠 杜元順 杜大開

余正江 曾登科 周禮惠 彭德遠 黨超仕

蕭保三 傅從木 文桂先 熊何讓 李仕卿

李良富 蕭澤楨 鄧恆元 周五峯 張天保

馬繼高 鄧忠和 雷鴻蓮 申佐殿 李開先

鍾世蛟 羅正太 練世仁 葉文魁 唐宗衛

葉芝太 曾元佺 劉永龍 黃思益 僧能慧

彭汝為 滕法旺 李文潤 唐紹台 劉和讓

謝維棠 董維景 郭順元 陳良先 僧常寬

吳禮元 黃於林 羅正舉 李瓊策 雷正富



王文華 江世儒 姚敬餘 曾輝友 易廷燕

彭紹遠 楊芬 余成龍 劉家第 羅汝發

胡照川 歐陽華 牟實 趙登宇 徐尙亨

伍發庚 劉星照 李世澤 劉天俊 李洪順

李德恭 葉久發 馬吉海 牟華 陳德

陳和讓 顏術仁 夏登元 吳相禹 熊世鰲

曾克勤 秦光富 楊孔伯 雷秀綱 黃鳳岐

易宗學 鄒明震 王明徵 倪三楊 馮國安

王霖玉 王霖邦 王霖正 王霖和 陳正學

張世清 郭永禎 曾光遠 林良材 鄧文俊

敘州府志 卷三十四 人士 富順

姜世昭 謝可富 李祥太 陳安齊 馬正三

馮萬相 段新發 劉正達 宋世玉 廖廣山

吳榮卿 楊受惠 顧四泰 王正邦 趙一元

魏洪興 王遵祥 沈永旺 曾官林 徐仕優

劉漢安 陳黃鍾 鄒鳳基 僧超海 車大書

王明書 丁天保 龔耀禮 龔榮禮 熊襄

李悅山 陳大連 楊二洪 黃榮仁 李良福

程正科 鄒昌福 文官秀 段自琳 宗習遠

聶有香 廖先堂 劉久年 田慶貴 王欽仁

聶興長 張廷仲 龍明海 蕭桂林 侯玉祿



侯玉崇 侯天均 倪善本 蕭澤普 楊武

熊光容 馮富生 陳安吉 田大綱 徐坤

邱成學 蕭雲開 邱達生 龍關保 戴欣

鄧有發 張明聯 賴世文 田大亨 蕭順發

蕭順洪 蕭順思 羅世欽 李富昌 黃光宗

李之同 蔡世貴 徐生棟 程國秀 郭包紫

喻元瑞 張占熊 熊萬蛟 陳子雲 陳朝芳

鄧善啟 黎萬興 黃三盛 姜輔臣 嚴啟昌

楊占彪 黃永貴 江富隆 謝正江 鍾世倫

楊志春 黎萬發 潘必科 余占彪 張朝貴

敘州府志 卷三十四 人士 富順

游翰亭 曾世崑 鄭三順 蕭順連 熊元興

邱四順 羅占山 余文楷 羅太有 陳衍順

張泰興 韓元登 鄭仕成 林昆山 何春三

賴仁存 賴仁有 何有方 宋成坐 黃慎修

張富寅 曾義順 曾尙先 曾克安 邱和平

張九坤 賀錫齡 李瑞芳 余瑞芳 王寅信

彭和盛 王寶三 內江縣人 米壽生 中江縣人

徐南輝 戰歿於獨松樹子瑞麟庠生

鄒新鏞 號以鳴咸豐庚申夏與兄裕成督勇剿賊

裕成被賊困鏞救之出賊益眾身中四傷溺老鸛塘



死

以上新縣志殉難紳民勇丁

宋王夢卿 沂公之孫寓居富順有蜀寇遺卒抄掠內郡聞者爭為驚徙夢卿屹然不動曰吾去將誰與卒能招其渠帥寇不敢犯傍郡賴以安嘉定中守資州元趙祖全 豫章人僑寓富順隱居讀書志行純潔鄉閭以為矜式善屬文凡郡邑碑刻多出其手

明金 陞 湖北江夏人明末流寓富順崇禎十年知縣貢其志修葺學宮陞同邑中紳士協力捐貲不憚勞勩見陳盟學宮碑記

敘州府志

卷三十四

人士

全

富順

國朝李崇階 雲南洱海人奉母極孝以兵阻寓富順縣游山澤間輒留題寫意深於經術與邑文士遊書其聯於署曰竭物力以輸將誰曰富縣體勞人之期會是謂順民遷去莫知所終

以上縣志流寓

晉葛 洪 字稚川丹陽句容人好神仙導養法從祖元學道得仙其煉丹之處天下共有十三縣東瀕江名葛仙峯乃其一也上有足跡丹臺可考事詳長春

碑記

據舊縣志外紀增下並同

唐預知和尚 大厯時有梵僧結菴於此巖六日諭其



徒眾曰整治資糧眾請其故答曰今夕當有暴客至以此待之既而盜至悉取糧去然竟夕不能出山遂舍之遁見李文淵北巖記

元張法真 自幼好道術延祐間任龍虎山受籙遇至人示以秘法既歸禳災診治疫疾捷如影響及卒鄉人立廟祀之有禱輒應

明昌 一 本縣西里人住持高峯寺少瞽目中年目復明寺廊廡皆其所飭

皇朝天峯和尚 號書雲不知何處人住中巖寺天崇中與邑文士相唱和

敘州府志

卷三十四

人士

全

富順

懶生和尚 破山弟子住高峯寺與邑侯洪憲新爲方外友順治十六年己亥定蜀康熙十三年甲寅滇寇陷成都邑隨被據康熙二十年辛酉破賊恢復癸亥補行辛酉鄉科有宋甯宗嘉定七年重修太平觀二十四化殿石砌得經一卷乃唐貞觀八年藏者至是不腐曰天元度人妙經道人未嘗見者六百餘字見板行云

以上仙釋

南溪縣

明熊宗魯 洪武初以明經授北平參議永樂中遷陞



交趾參政歷官數載卓有政聲見一統志

劉忠一成化乙未進士歷官戶部郎守正不阿以眉州萬安當國解印綬歸縣尹陳俊饋以輿皂忠曰吾可以此累桑梓之民乎謝不受事母至孝子孫兄弟俱相繼登科崇祀孝友

劉景寅 宏治癸丑進士爲戶部主事泣政廉謹尋進員外郎逆瑾招致不從勒爲民瑾誅陞陝西參政會武宗北狩諸吏皆趨行在景寅坐鎮城中日理煩劇因卒於官所著有忠恕軒集

劉景宇 正德辛未進士任御史因疏薦王守仁不

敘州府志

卷三十四

人士

合

南溪

報遂謝病桂萼以書招之不應嘗手書范滂傳揭於庭日夕三復每歲終諸當道餽遺悉歸有司作書答謝原按劉忠劉信劉景寅劉景宇俱南溪人墓在縣東五里九龍灘岸後及縣西二十里大峽溝側碑記可考又縣城中大街建有劉門四進士題名坊書繡衣繼美四字而於漂海樓觀音巖諸古蹟石刊記遊皆書邑人通志劉景寅作長甯人劉景宇作富順人俱誤

按縣志原有樊垣傳已見宜賓志不重錄

張益

景泰初知京山縣積穀萬餘石歲饑盡發



賑之貧民全活數萬見一統志

胡 傑 成化舉人宏治間知陝西麟遊縣遇事有  
為薄賦輕徭吏民愛之尤加意斯文改建文廟植柏  
千餘株士人立石頌德歷升太僕寺丞見陝西通志  
以上縣志宦績

宋許志甯 紹興中進士居鄉多善行邑人敬而化之  
嘗割地為學宮見宋似孫碑記

史子忠 博學雅志登開禧初進士南溪登第由子  
忠始歷官提點刑獄

明周 儒 宏治中舉人歷官同知性質樸不事華靡  
敘州府志 卷三十四 人士 南溪  
聘黃氏貧且陋人謂曰汝巨族高才何不別娶儒應  
之曰此天命也棄之不祥竟納之

國朝聶希賢 字茂枝乾隆庚子歲貢性樸誠謙恕雖遇  
鄉閭寒賤未嘗凌忽制行細謹嘗以世邇忘遠為後  
生戒俗每以迂濶誦之然先識遠慮後無不驗任三  
臺訓導捐俸刊丹桂籍勸世後以老乞歸年八十餘  
卒

郎汝瑛 字白玉乾隆丙午舉人家貧苦學嘗徹夜  
不寐屢躓場屋年五十始登鄉薦性至孝所得館金  
悉以奉甘旨自甘茹苦食淡後選內江訓導遠近負



笈多所成就卒於官士類咸扼腕悲悼

韓爾富 字應亨性謙退篤信孝友力學甘貧衣冠動履純然古風屢困童子試年五十始與次子國琳同歲遊庠孫世楮亦以髫年食餼人以為厚德之報

包寬 字敷五號芥舟歲貢生至性孝友力學敦品能詩工書天懷亮特有經濟才而門內則恂恂然恐不及家素豐於睦婣任郵外尤好扶植寒士襄助各義舉縣治西笱箕背險灘疏以鐵爪淘以鐵砂歲歷三冬患始平又壞齒灘石積橫江里許鳩工悉碎之治東九龍灘鑿巖開路折廟平灘舟人利之前制

敘州府志

卷三十四

人士

全

南溪

憲蔣攸鈿贈匾獎之曰殷情利濟又捐施地土增養濟院義孤口糧十名貧民實受其惠然生平愛人以德人無敢干以私道光三年舉報孝廉方正祀鄉賢祠

包璠芳 字華魯邑監生宅心仁厚賦性肫誠家貧事祖母九十四齡及母以孝聞自奉儉約孝養必豐祖母及母歿朝夕欷歔兩餐必祭十餘年弗衰以食齒繁棄儒習賈敦信義重然諾人咸敬愛之好善樂施如贍族賑貧施棺木修橋路歲歉則辦米減價歲寒則買棉衣施濟張貞女坊獨力建之善人之名婦



孺咸稱道不衰

以上縣志行誼

明劉信 成化乙未進士官廣西參政有廉名獠人叛信討之親冒矢石遂死於陣

並縣志

侯良柱 南溪人天啟元年永甯宣撫司奢崇明叛據重慶殺巡撫徐可求時水西蠻安邦彥亦反貴陽以西千里皆陷崇明遙倚爲援崇禎二年八月四川巡撫朱燮元檄總兵侯良柱搗其巢大破賊於永甯斬崇明邦彥俘數千人積年巨寇始靖八年總督洪承疇大舉討賊令良柱扼賊入川路遇賊於川北鳳

敘州府志

卷三十四

人士

全

南溪

縣三江口斬流賊三百七十有奇十年四月賊犯南江通江帝切責良柱及巡撫王維章時良柱在廣元招兵九千有奇分防扼險餘者僅二千人賊知其勢弱五月復寇川北維章告急於朝會賊轉掠他所良柱撤還守隘兵專守廣元十月李白成過天星混天星等窺蜀空虛乘閒犯甯羗州分其軍爲三一由黃壩攻七盤關一由梨樹口麥坪入廣元一由陽平關過青桐坪土門塔向白水良柱急拒戰於綿州力盡而死賊遂直逼成都連陷三十餘州縣時維章方守保甯帝聞大怒詔逮二人下獄時旅卒皆死亡潰散



故未知良柱之死也獄成維章遣戍追奪良柱官良柱死時有身無首家人續以檀歸葬於縣北之觀音

瀘縣志明史本傳字朝石永甯衛人天啟初累官四川

副總兵討奢崇明父子復遵義城又與參議趙邦清

招降奢寅黨安鑿六年五月代李維新爲四川總兵

官鎮永甯時崇明敗奔水西與安邦彥合貴州兵數

討不克崇禎二年總督朱燮元遣貴州總兵許成名

復赤水衛崇明邦彥以十餘萬眾來爭成名還永甯

賊追之銳甚良柱偕監軍副使劉可訓出戰小卻成

名等來援賊乃據五峯山桃紅壩越數日良柱乘賊

敘州府志

卷三十四

人士

六

南溪

不備與副將鄧玘等侵早霧迫之賊大潰成名聞山

上呼噪聲亦出賊奔鵝項嶺徑長而狹人馬不能容

良柱玘軍至賊復大敗死者數萬人崇明邦彥與邦

彥黨僞都督莫德竝授首俘其黨楊作等數千人積

年巨寇平時稱西南奇捷四川巡撫張論上其功不

及黔將成名等怒言邦彥德乃己部將趙國璽所斬

且崇明猶未死燮元信之奏於朝兵部不能決賞久

不行御史孫徵蘭言訊俘囚阿癡楊作等咸云邦彥

卽時授首灼然非黔丘力帝卽命獻俘告廟傳首九

邊川中撫按及御史毛羽健皆訟良柱可訓功詆燮



元燮元疏辯且求去賞遂格不行良柱怨燮元不爲用至與相訐奏解職候勘久之御史劉宗祥列上功狀七年八月始錄前功進良柱左都督世廕錦衣指揮僉事成名等亦優敘未幾復爲四川總兵官八年夏總督洪承疇大舉討賊令良柱扼賊入川路戰鳳縣三江口斬首三百七十有奇明年冬賊犯漢中瑞王遣使乞師良柱督兵援與他將同卻賊十年四月川中地震者七地鳴者一占主兵賊果入犯陷南江通江帝切責良柱及巡撫王維章時良柱駐廣元盡召諸地兵九千有奇分防扼險止餘二千人賊知其

勢弱五月復寇川北維章告急於朝會賊轉掠他所良柱乃撤還守隘兵專守廣元維章以爲非計上章言之十月李自成過天星混天星等陷甯羗分三道入寇良柱急拒戰於綿州眾寡不敵陣亡賊直逼成都維章方守保甯反在外連失三十餘州縣帝大怒命逮二人下詔獄猶未知良柱死獄成維章遣戍追奪良柱官十三年良柱子指揮天錫伏闕言臣與賊不共戴天願捐貲繕甲選募勁旅及臣父舊將自當一隊與賊血戰下雪父恥上報國恩帝深嘉之命授遊擊赴嗣昌軍立功已嗣昌言天錫所將親丁二百



六十人及召募精卒五六百人皆剽捍敢戰帝益嘉之再贈一秩新附

按遵義府志云桐梓人據桐梓志又云通志略同後附明史本傳又按語云良柱史云永甯人桐梓志桐梓人當由永甯徙居桐梓宦籍書原處也今桐梓尙有其故宅衣冠存焉陳志及四川貴州兩通志總兵題名又皆云遵義人舉府而略縣也今攷四川通志乃作永甯人不作遵義其非遵義之桐梓人可知矣又因川通志明史本傳下云按南溪縣志良柱墓在邑北五十里觀音灘其子天錫

敘州府志

卷三十四

人士

卒

南溪  
川上

及姪啟勝皆列敘州府此從明史以此證之蓋由永甯入籍南溪也又侯采傳下云按縣志良柱字朝石祖籍南京天津衛遠祖千三宦游入楚明洪武時由楚入蜀居縣北二十里婆羅池又北三十里觀音灘有明誥封榮祿大夫都督同知侯良柱墓碑離墓數里有侯家寺碑載大明欽差鎮四川等處地方提督漢土官兵總兵官都督同知加太子太保總鎮都督元帥府侯良柱今碑尙存其七世孫侯仲卿縣庠生據此良柱當爲南溪人也

侯天錫 良柱子以父官廕錦衣衛指揮崇禎十三



年伏闕言臣與賊不共戴天願捐貲繕甲選募勁旅  
及臣父舊將自當一隊與賊血戰下雪父恥上報國  
恩帝深嘉之進授遊擊赴楊嗣昌立功再晉一秩逮  
皇朝順治二年故明臣王應熊等起兵攻流寇時諸郡中  
惟遵義爲王祥所守應熊入居之而總督樊一蘅適  
至命諸郡舊將會師大舉起甘良臣爲總統副以天  
錫攜潰卒得三萬人是年三月攻敘州斬賊數千級  
僞都督張化龍敗走賊黨馮雙禮來爭又敗之賊旋  
驚潰遁去遂復敘州

侯啟勝 良柱姪邑武庠天啟元年隨良柱領兵討

敘州府志

卷三十四

人士

三

南溪

奢酋恢復綦桐一帶地方五年良柱陞四川總兵啟  
勝授都司以西蘭夷圍永甯城啟勝統兵往剿大捷  
加授參將崇禎元年授都督僉事十一年李自成犯  
四川良柱陣亡奉命調遣與永甯協侯拱極合兵於  
湖廣過青灘歿於水

侯采 良柱姪天啟元年奢酋叛給領把總劄隨  
良柱征剿恢復綦桐一帶地方五年加授守備以西  
蘭夷攻圍永甯城采領兵恢剿紅桃壩大捷奉兵部  
劄加授都司崇禎七年奉檄征川北防隘巴通一路  
剿賊有功授遊擊十年流寇攻圍成都與賊戰大克



加授副總兵十六年奉調征勦招募義兵防守四川等處有功具題頒給勅書一道總兵印一顆逮

國朝平定繳還印信順治九年卒年八十有二葬於縣西茹溪河鐵心橋左山

侯拱極 侯國維之子天錫孫良柱曾孫官永甯協與啟勝合兵勦賊於湖廣過青灘歿於水

皇朝高海鳳 字立軒邑人明季流寇入川棄儒業習弓馬捍禦地方

皇朝平定寇亂以功授嘉定都司後任永甯營守備歿於難

敘州府志

卷三十四

人士

三

南溪

侯元相 明總兵良柱十二世孫道光丙午科武舉由督右把總出師江南迭著戰功保陞松中遊擊以協鎮補用咸豐九年調守甯國府賊眾我寡援兵不至元相轉戰數日力竭陣亡身首未獲視良柱當日陣亡無異一門忠烈後先輝映奉

議卹入祀省垣昭忠祠其子應昌世襲雲騎尉

張學寬 千總汝楫之子咸豐二年由把總出師廣西以功陞千總六年九月在徽州古城關擊賊身受七傷猶負創督師進勦被賊四面環攻眾寡不敵力竭陣亡奉



旨議卹入祀省城昭忠祠子問政襲雲騎尉世職

鄒銀壽 邑人咸豐九年李逆倡亂邑令唐炯派管  
礮船嗣隨綿州軍營以功保敘六品翎頂同治六年  
征松潘五年征貴州俱著勞績後因擊賊眉潭連戰  
數日受傷身亡

蕭東昇 邑人由行伍出師疊著戰功保陞儘先都  
司賞花翎同治元年奉文飭赴陝西投効軍營勦辦  
獮匪十年十月在安定營行營與賊打仗力竭陣亡  
奏請議卹奉

旨從優照遊擊例給卹銀四百兩並加贈遊擊銜議給雲騎

敘州府志

卷三十四

人士

三

南溪

尉襲次完時給予恩騎尉世襲罔替

李錦榮 趙聯璧 唐小洲 戴錫光 洪典

王大旗 况丙子 王文華 伍秉璋 伍萃

練世仁 曾羅秀 劉洪順 王鈞功 李啟貴

李世浩 李世湘 李世法 李世增 李世倫

李世言 李世功 李世正 李世全 李世喜

李世顏 李三貴 李矜貴 李庚貴 李純祖

李在隆 李在倫 李芬成 李萬林 李占熊

鄒光祿 袁紹适 馬世春 徐啞吧 廖正才

楊正林 趙國材 張定邦 包榮芳 包矩芳



包汝壽 馮汝壽 馮昌齡 李正興 陳景祥  
練當仕 李世珍 張德壽 楊正發 以上團勇  
五十四名咸豐十年滇匪張五麻子及郭刀刀周躡  
躡各逆犯縣境堵剿陣亡奉

盲入祀昭忠祠

歐陽華 庠生 葉文魁 監生 劉端章 杜大開 陳能達

余良臣 江世儒 易廷燕 牟實 劉世正

曾元儉 陳良先 何維金 涂廷才 杜順元

廖先堂 胡世僖 姚敬餘 朱正陞 顧代廉

曾輝友 葉芝泰 向彥喜 徐志邦 徐尙亨

敘州府志

卷三十四

人士

齒

南溪

趙登宇 僧常寬 雷鴻連 李開先 謝家第

鍾世蛟 李瓊第 李才海 李才志 李才明

羅正泰 羅振舉 楊芬 伍發庚 黃子休

彭遠紹 羅汝發 程正和 董維業 鄒福昌

馮萬相 郭順元 聶有香 僧能惠 彭汝爲

劉星照 吳福元 劉鼎宴 曹永龍 葉正興

黃思益 羅正富 劉世樑 姜和謨 滿萬楊

侯正高 顧代璉 李永隆 蕭世材 吳懷仲

張玉齡 陳懋宗 楊正洪 楊代富 曾耀富

蕭順廷 張茂祖 趙天近 藍玉璽 文官佑



段自琳	曾登祥	滕法旺	唐紹台	申佐殿
劉和讓	李文潤	劉永龍	唐宗瑤	劉耀洪
謝維堂	李興貴	楊占彪	楊正材	徐廷彪
吳和善	楊義順	龍成章	鄒一榮	潘玉興
邵文才	張文魁	涂光和	侯應國	周作陞
周一龍	袁玉順	吳唐元	江占彪	邵文興
王昌國	周大	劉二	蕭神貴	徐步超
安年長	劉世芳	宋大	張洪興	徐二娃
曾二	冉世華	冉玉興	李世中	李世像
李桐貴	李枰貴	李根貴	李金貴	李在陵

敘州府志 卷三十四

人士

七

南溪

陽啟耀 張皆有 張天喜 萬正興 萬國寅  
 劉二順 徐志喜 王德全 熊尙潭 熊尙洵  
 熊汝芳 李國文 青顯文 唐國連 唐世相  
 楊寅宣 程步鰲 以上紳民一百四十二名均係  
 咸豐十年滇匪張五麻子郭刀刀周躡躡各逆犯境  
 被脅不屈遇害奉

附祀昭忠祠

以上縣志忠義

明楊 璞 宏治進士歷刑部主事蚤孤事母以孝聞  
 友愛伯兄甚篤以丁母艱起服後期忤逆瑾卽引歸



居家二十餘年布衣蔬食不履公門租產悉讓伯兄  
又捐貲以嫁族女之無依者

皇朝何瑞圖 歲貢生康熙十七年縣遭吳逆蹂躪居民  
盡逃瑞圖侍病父獨留乞米煮粥供父潛擷野蔬自  
活一日為賊所執憐其情釋之父旋卒負匿石洞中  
晝夜泣守俟賊散始覓棺殯葬兄龍圖為賊擄去瑞  
圖追及號挽被賊推墮水中附斷木得免歸終以不  
獲救兄為憾繼母李氏疾不善飲藥瑞圖號泣勸進  
及母卒杜門哀毀三年不履城市為諸生時所獲廩  
餼悉捐刻文昌孝經勸世家雖貧計館金所餘則修  
敘州府志

敘州府志

卷三十四

人士

矣

南溪

橋路施棺木及婚葬之無依者雍正五年選授郫縣  
訓導遠邇聞風多負笈以從登科第者如覃奕宏袁  
顯諸名士皆受業也年八十致仕歸卒於家乾隆十  
年紳士鄧生岐等合辭稟請入祀鄉賢祠

雷孝子 失其名李庄鎮人乾隆辛巳年鎮遭回祿  
火延至宅其父某臥病孝子入室抱負不起出而復  
入者四遂抱父並焚死時年甫十三也至今父老稱  
之輒為酸惻道光十七年邑令翁紹海詳請

旌表並捐廉建坊

翁紹海贊

祝融不仁玉石等視雷子殉親年十三耳  
骨肉同燼父骸子負 帝用汝嘉旌前式



後桂輪我我棘溪泚泚於  
萬斯年嗚呼孝子。新附

巫淑賢 原籍廣東雍正中來縣傭工北關外齒積  
所餘旋歸負父骸奉孀母徙居於此事母至孝母病  
願以身代罄其家貲衣服以療母病卒不起葬後晝  
出營生夜歸泣守墓下三年常如一日邑令崔光儀  
聞其事旌其閭曰孝思不匱祀孝友祠

張懋泰 事親承顏順志父歿事母益謹稍有疾號  
泣呼天乞以身代及病侍湯藥不脫冠帶三月母歿  
廬墓泣血未嘗見齒生平尤篤友愛兄以居促欲他  
徙泣挽留之授江津學博獎誘後學舉鄉薦者甚眾

敘州府志

卷三十四

人士

七

南溪

卒於官提學陳希曾稟奏十三廳縣孝友祀郡孝友  
祠

甯際泰 邑廩生父早卒際泰承母訓誦讀不懈母  
老艱於步履身負出入母病醫云糞苦尙可救因口  
嘗之及歿廬墓三年未嘗一入私寢撫愛諸弟極盡  
友于課士尤勤每講書至孝弟章輒涕泣不能成聲  
卒年四十九嘉慶十四年提學陳希曾稟奏十三廳  
縣孝友從祀郡孝友祠

葉居一 邑庠生母趙氏早卒事父及繼母明氏承  
顏順志以孝謹聞



李執中 邑增生父早卒事母至孝母病不入私寢先意承志就養有方人咸稱之

楊 桂 邑庠生天性純孝三歲喪母卽哀毀過禮事父及繼母並能曲爲承順父櫻目疾出入扶持不離左右且篤友于之誼人無間言嘉慶十四年提學陳希曾彙奏十三廳縣孝友從祀郡孝友祠

熊廷選 邑庠生母劉氏暮年得風疾輾轉牀蓐間廷選日侍左右卽煩辱事必躬親之十餘年如一日母歿喪葬盡禮屏葷酒者三載人皆以爲難卒年七十有四

敘州府志

卷三十四

人士

矣

南溪

甯文俊 字儲三郡庠生性純篤樸實與人言呐呐若不出諸口父庭訓素嚴及衰病遇事益躁急文俊率兩弟先意承志能得歡心邑中供子職者奉以爲法生平於學無不窺尤精推步卒年五十有五

包學崧 字樂山歲貢生穎敏博洽至性孝友爲人嚴正不阿邑令翁霽霖欲舉以孝廉方正以事去不果講學有法文士多出其門子五仲子字登戊午鄉薦餘皆食餼游庠著有日耕堂塾鈔原按舊志俞懷瑾列行誼包學崧列儒林茲增貢生包本芳等呈請以嘉慶十四年提學陳希曾彙奏十三廳縣孝友入



祀郡孝友祠南溪七人俞懷瑾包學崧與焉移置孝友紀實也

余懷瑾 字山輝邑廩生樸實端謹不喜奔競非應試不入城治喪力屏浮屠恪遵家禮一鄉化之歿時子增生啟沃奉母命權作道場甫懸旛及曉俱燼僅餘影堂一聯云生吾知生死吾知死說甚麼天堂地獄冠儒者冠服儒者服用不著毘盧袈裟係老年自題

陳寶書 字森亭恩貢生至孝性成不慕榮利母李氏享年九十餘朝夕侍奉不離左右老而彌篤課士

敘州府志

卷三十四

人士

堯

南溪

善接引後進遠近慕其行誼多受業於門子耿光炳光孫芬蒔俱庠生

高明烈 字丕承邑庠生性孝友事母李氏竭孝養邑令周春溶薦舉孝廉方正總督蔣攸銛驗送部丁艱未赴哀毀骨立尋卒子友造郡廩生

伍澤深 邑人母楊氏年九十九歲澤深娶妻江氏皆以孝聞年已六旬夫婦晨昏定省承順不衰邑令唐炯給匾旌之

黃國珍 原籍廣東興甯乾隆時父某始遷南邑屢欲取父母遺骸入川安厝有志未逮臨歿囑國珍行



之嘉慶丁卯遵遺命回粵取祖父母骸骨以歸往返  
跋涉備極艱辛克成先志人稱其孝云

包融芳 字小和邑歲貢生操行剛正孝友性成素  
爲鄉黨推重事母尤曲盡孝養母病不借重貲遍求  
藥餌四方延訪名醫調治由是精醫名噪一時縣西  
筲箕背險灘父寬淘鑿日久淤塞融芳載鐵砂漬以  
桐油數萬筋淘之又遵遺命捐修鎮江廟培添書院  
膏火孤貧口糧其慷慨好義類如是博學能文屢薦  
不售獎掖子弟督課尤嚴弟欣芳成進士煦芳官湖  
北知縣子汝載官貴州知縣汝諧登丁卯鄉薦官鹽  
源訓導餘皆身列膠庠爲邑望族子孫悉遵遺訓無  
違

敘州府志

卷三十四

人士

百

南溪  
川上文

陳春田 邑歲貢性敦孝友制行不苟咸豐十一年  
滇匪犯境迫兄春山同行願以身貸賊義之皆獲免  
邑令唐炯給子代瘦推肥匾額旌之

蔣文信 邑耆民世居九盤溪賦性純摯與兄文慧  
友愛最篤各務農業分析有年無何兄負債千金追  
迫迫切信憐之爲售公田不足以所蓄償之率其子  
弟倍切勤苦不數年復置一業仍爲公田歲收之息  
多讓於兄疾病扶持甘旨與共鄉黨稱悌弟云



以上縣志孝友

明陳準 宏治中舉人歷官通政致仕歸環堵蕭然以易學授徒出其門者皆名宦年八十餘卒

國朝程嶧 字鄒南性謙退行端方雍正甲寅拔貢登乾隆戊辰進士以親老不忍遠宦就雅州府教授不計脩脯成就後學

廖朝柱 字毓川雍正甲寅歲貢博洽多聞尤精易學選什邡縣訓導旋歸以講學授經獎掖後進著有易經明捷解

李如椿 字大千博學能文品質端雅中乾隆壬午

敘州府志

卷三十四

人士

三

南溪

科舉人同胞弟七人怡怡教誨皆相繼登科入泮時稱一門之盛尤勤訓課宜南兩邑一時登鄉會者多出其門選汶川教諭年八十乞歸旋以家貧道遠卒於官

王萬顯 字達文乾隆乙酉副榜謙退接物不交當道精研六經日集生徒講授善飲輒醉然醉後談論皆敦行立品語

稅惟學 字貫一乾隆庚子恩貢生厚重簡默動合規矩俗以古董目之博學工詩著有覆瓿存稿

郭城 字敬基乾隆己酉舉人沈潛嗜學天性至



孝課徒以養孀母謙抑下人嘗從瀘陽林素書先生遊講明心性之理爲文一歸雅正年四十卒士論惜之

江應錦 乾隆己酉舉人由射洪教諭截取江西永新縣知縣有循聲解組歸主講奎峯書院啟發後進從遊者眾性溫厚和平嗜學不倦與後輩論文輒過夜半年七十八重遊泮水教澤涵濡至今士林猶稱道之卒年八十有五

以上縣志儒林

高松 字蒼齡邑廩生性孝友篤學強記弱冠以能文知名從華陽敬蓮峯先生遊學益進屢薦鄉試未售年三十六賣志而卒

郭敘和 字愔庸邑廩生聰穎簡默尤篤孝友爲文不襲時徑早歲從富順李吉山先生遊嘗以大器許之屢困棘圍年五十卒

羅維靜 字似山乙酉拔貢少穎異讀書過目不忘性簡默寡言沈思獨往每有所得輒蒙被兀坐數日不出及發而爲詩悲歌慷慨棖觸無端外而風俗人心內而性情骨肉無不各寓乎其中乾隆間詩人尤服膺藏園又嘗欲哀蜀中詩人蔡雪南李藥菴以下



詩爲一集惜未成而卒年三十二士林悼之著有百藥山房詩集行於世

包端 原名字號元圃學松之子嘉慶戊午領鄉薦邑令翁霖霖弟子潛心經史爲文出入國初四名士咸歸之子弟入詞林登賢書者有人餘皆列成均遊庠序官福建將樂知縣卒於官

廖景游 字師顏嘉慶己卯舉人性剛介慎交游研心經史博學能文嘗讀漢書有友至門俟誦畢乃進早卒士林惜之

劉在榮 字芝庭嘉慶己卯舉人家貧力學博洽宏通弱冠有聲主講各處書院多所造就官瀘州學正卒於任

敘州府志

卷三十四

人士

五

南溪

聶廷璧 邑廩生性孝友有雋才博通經史勤誨生徒與弟廷贊齊名教授川南名噪一時姪光謙乙酉拔貢任雲南鎮雄知州時有三聶之稱

包欣芳 字雲泉寬季子也英姿特異博通經史弱冠文譽噪兩川邑令黃懋祺深器之癸卯出黃公房薦擬元力爭未售甲辰中經魁四名屢掌琴山書院一時名士多出其門癸丑成進士入詞林分曹刑部早卒士林惜之著有留雲館塾課



以上縣志文苑

鄒以鑑 字實三道光丁酉舉人任南部教諭課士嚴而愛之如子弟某生以細故被控縣令將褫其衿屢移取學案終拒不與南部令某欲重加斂令下民聚而大譁勢洶洶將激變急排闥入請出示免征眾乃散致仕歸主講書院十餘年一時文學之士多出其門卒年八十有五子成治歲貢生精醫學地理亦有父風云採羅肅撰行狀

右一人新增

唐岑參 南陽人文本裔孫登天寶三載進士第累

敘州府志

卷三十四

人士

高

南溪

官右補闕論斥權佞改起居郎尋出為虢州長史復入為太子中允代宗總戎陝服委以書奏之任由庫部郎出刺嘉州敏於政事杜鴻漸鎮西川表為從事以職方郎兼侍御史領幕職使罷流寓不返遂終於蜀邑東關外二里許龍騰山下為公別墅蓋其罷嘉州時流寓於此

元鄧顯卿 天歷中進士原籍湖廣麻城人宦蜀敘郡南溪縣知縣數月卒於官墓在縣北幞頭山子以忠以賢遂落籍於此厥後氏族繁盛科甲蟬聯為邑中望族



李元俊 字世傑江蘇丹徒進士官蜀保甯府知府  
清慎廉明有政聲後罷官遷寓西充巨德鄉復遷敘  
州卜居南溪縣衙後子孫相繼登科第

國朝狄無逸 江南溧陽進士任珙縣知縣罷官寓南溪  
主講琴山書院勤於訓課遠近從學甚眾多所獎就  
日爲文可數十藝根柢經籍惜其遺稿散佚未得梓  
行

唐德一 明通進士隆昌縣人乾隆初掌教琴山書  
院深明朱程之學文以清真雅正爲宗與縣宰王采  
珍以禮學相款洽相見恨晚歡若平生訓課數年諸

敘州府志

卷三十四

人士

三

南溪

生蕪靡之習賴以掃汰旋任某縣知縣以廉慎著致  
仕歸邑人士追慕教澤復延爲書院主講長子夢元  
列明經三子叔元名孝廉乾隆己酉科重赴鹿鳴宴  
年九十餘卒

以上縣志流寓

漢劉景鶴 隱平蓋山山有石洞深邃上有石穴圓如  
蓋有泉出焉取以煉丹又有木生葉其文如篆謂之  
符葉又縣西北三十里有葫蘆井相傳劉景鶴嘗取  
此水煉丹鑿井口如葫蘆故名今井尙存見舊通志  
魏劉真人 武帝時隱山中得道自平蓋山駕鶴入建



州見通志 按縣南隔大江五里許有隱山傳有劉真人遺跡疑卽漢之劉景鶴一人而兩載也

李真 未詳何代人縣東三里許龍騰山有李公洞爲真遺跡石壁有迴文詩云潺潺水響絕塵囂久隱人高樹掛瓢山好有仙尋藥採竈空無火覓丹燒閒雲坐處彈琴靜晚洞歸來駕鶴遙關半戶時明月夜灣池柳對院邊橋後赴瀘採藥其徒竊食飛昇化去真回爐竈依然賦一絕云李真宅子故依然道院西偏古洞懸一日身遊八百里三番花落幾千年亦化去

敘州府志

卷三十四

人士

真

南溪

唐楊發 城中古學傍有琴臺相傳爲仙人楊發遺蹟發善揮絃如聞琴聲士子必登科第原按楊發爲唐進士高尚不樂仕進縣北鳳凰山建學宮處卽發讀書遺址

宋僧智徹 父母以暮年始育徹生而穎異及六歲入塾館嘗語師曰吾終身大事竟不可了父母挽媒與娶徹固辭遂挾佛經從釋師號嵩古者參悟有得年六十五告其師曰予欲歸去矣師曰將歸何處徹曰歸娘家去也次日沐浴畢持杖披緇入紅巖斂坐入滅數百年鬚眉不改見府志



明建文帝 縣北三十里許有凌雲山帝遭靖難師發  
錦囊得髯緇度牒有逢雲則住遇爐則止之句遂隱  
於此山之旁號曰紅巖城中廣福寺明嘉靖中縣令  
高暘作白雲僧傳刻石並書白雲長老寄跡處七大  
字今傳文剝落不可辨而大字尙在原按白雲長老  
蓋言建文也並縣志

國朝三仁僧 相傳爲荊州府石首縣人管姓然究未嘗  
自言也年二十九薙髮於內江聖水寺徧參名宿朝  
謁名山大海後住南溪開法圓覺寺老而益健著有  
語錄一部爲禪門秘錄尤工詩卷帙散佚今所存者

敘州府志

卷三十四

人士

七

南溪

什之一耳僧雖不自言爲何許人然誦其詩有脫落  
塵埃之想殆賢而隱於釋者也

山居詩

芒鞋竹杖破袈裟信是湖山解脫家  
新雨洗開三徑路晚風吹送一庭花  
蒲團坐月萬緣淨石屋停雲午夢賒  
紫蕨綠芹炊不盡這般清福許誰誇  
山居無事獨盤桓大歇場中處處安  
滿地葛根堪續衲盈坡蕨筍聽時餐  
夢回雨過松濤淨定起月來心地寬  
門鎖煙霞人到少閒移芍藥傍闌干  
曉起苔階刻漏稀滿山堆積翠微微  
門前煙柳教春住隄上彩虹駕日飛  
雲出無心常自在泉流如意得真機  
黃鶯也解超空界撇去一聲過竹扉  
○新附

以上縣志仙釋

